

KUCHERECHEDZWA

...tichiverenga Shoko. Tichirangarira, mushure meshumiro ino masikati ano, pamwe muchadzokera kumachechi enyu, kushumiro yamanheru. Ndichaedza kukuburitsai nokukasika kuitira kuti muzodaro.

² Teerera. Dai ndanga ndiri muguta rino, munharaunda, ndainoshumira ndiri mumachechi aya—aya ari muno. Ndizvo chaizvo zvandaiita. Handisi kuzvitaura...Handina kuudzwa kuti ndizvitaure. Pane varume vakaisvonaka, hama chaidzo. Zvino mumwe nomumwe wenyu agamuchira Kristu, kana vasina kuwana zita rako, wadii wavatsvaga, kuitira rubhabhatidzo rweChikristu, wovatendera kuti vakutungamire kurubhabhatidzo rweMweya Mutsvene.

³ Kana usina chechi, unofanirwa; unoona, unofa, pamweya, unopera zvishoma nezvishoma. Zvino kana usina chechi, wadii waenda wanotaura navo, vangatofara kukubatsira. Ivo—ivo—ivo ihama muna Kristu, uye, ivo, vanotofara kukubatsira. Handizvo here, hama? [Vashumiri vanoti, “Ndizvo.”—Mupepeti] Vanotofara zvikuru kukubatsira, nekukubatsira parwendo, nokuita izvo zvose zvavangakwanisa kukuitira. Murume akanaka, akatendeka, mumwe munhu achazotarira mweya wako nokukuriritira. Ita saizvozvo.

⁴ Zvino kana wagamuchira Kristu, uye ivo vasina kuwana zita rako, ipapo pane imwe nzvimbo muchigaro wangoMugamuchira, wadii waenda wanotaura navo iye zvino nezverubhabhatidzo, uye nerubhabhatidzo rweMweya Mutsvene. Zviite iye zvino. Mwari vakuropafadze.

⁵ Tinoda kuverenga, masikati ano, kubva mubhuku raVaFiripi, chitsauko 2 chaVaFiripi. Uye ndinoda kutanga nendima 5.

Ivai nepfungwa iyo, yakanga iri muna Kristu Jesuwo:

Iye, kunyangwe akanga ari muchimiro chaMwari, haana kuti kuenzana naMwari hupambi:

Asi wakazviita uyo asina mukurumbira, akazvitorera pachake chimiro chemuranda, akaitwa nomufananidzo wemunhu:

Akati aumbwa ane mufananidzo womunhu, akazvininipisa, akateerera kusvikira parufu, irwo rufu rwomuchinjikwa.

Saka Mwariwo vakamukudza zvikuru, vakamupa zita rinopfuura mazita ose:

Kuti muzita raJesu mabvi ose anofanira kupfugama, ezvinhu zviri kudenga, nezvinhu zviri panyika, . . . zvinhu zviri pazasi penyika:

Kuti ndimi dzose dzibvumire dzichiti Jesu ndiKristu iye Ishe, kuti Mwari Baba vedu arumbidzwe.

Ngatikotamisei misoro yedu kwekanguvana.

⁶ Ishe wedu, tiri kuswedera kwaMuri iye zvino muZita dzvene iro—iro rine Zita reDenga, uye ndiro rinodaizwa mhuri yose yepano pasi. Zvino Akatiudza, ari pano, “Mukakumbira chipi nechipy kuna Baba nemuZita Rangu, Ndinokuitirai.” Tinongoriwo vanhuwo zvavo, Ishe, asi tinozvitenda izvozvo kuti ichokwadi. Tinotenda kuti izvo zvatinokumbira tinozviwana, nokuti kana—kana mweya yedu isingatipomere, kana tisina manzwiro akashata pamusoro pezvatinenge takaita, zvinenge zvakajpa, zvino tinova nokugutsikana kwekuti Mwari vanotinzwa. Zvino tiri kukumbira tsitsi, masikati ano, kunesu isu tose.

⁷ Zvino ndiri kukumbira kuti Muchapa kuungano ino yakamirira, zvino, kupodzwa kwemunhu wose ari muHupo hwaMwari. Dai iyi ikava imwe yeshumiro hurusa dzekupodzwa pane dzatakambova nadzo. Dai pakaitika chimwe chinh, Ishe. Hativizi kuti zvinoitika sei, kana zvimwewo zvingaitwe, asi tinoonamata kuti Mweya Mutsvene ave nehutongi huzere masikati ano, kuti apinde mumoyo woga-woga nemupfungwa yoga-yoga. Sekungoverenga kwataita, “Ivai nepfungwa iyo yakanga iri muna Kristu.” Ndinonamata, Mwari, kuti apo tinoona kuti pfungwa ndiyo nharire inotungamirira mutumbi wose, kuti inotitungamirira, zvino itai kuti pfungwa yaiva muna Kristu ive matiri masikati ano. Uye Aigara nguva dzose achitenda Shoko. Uye dai zvino pakava nokudururwa kukuru kweHupo hwaKe pamusoro pedu.

⁸ Uye ndinonamatira vashumiri ava, Ishe, avo vashandira pamwe mumusangano uno, kuti imwe neimwe yechechi yavo ibatsirikane nerubatsiro rukuru rwepamweya pamwe nerwepanyama, nokuda kwekumira kwavo, vachiedza kuunza kuvanhu vavo, Evhangeri, nenzira yose yechokwadi yavanoziva kuti ndiwo maparidzirwo aIri kuitwa. Uye ndinonamata, Baba, kuti iMi mugovaropafadza. Uye dai vanhu vavakoshesa, vachiziva kuti—kuti izvi vari kuzviita nokuda kwavo pamwe nokuda kweEvhangeri; kuti dai ivo, mukutsivanisa, vobatsira pamwe nokuita chirwirangwe, pamwe nokusimudzira icho Chikonzero chatiri kuedza kuunza panyika, Ishe Jesu.

⁹ Zvino, Baba, tiri kunamata kuti Mutore maShoko sekuverenga kwataaita, uye iMi Munozvidudzirira Mega, nokudaro tinonamata kuti iMi muRidudzire kumoyo yedu nhasi. Zvino kana tave kuenda, nhasi, dai tikataura savaya vaibva

kuEmausi, "Moyo yedu haina kutsva here mukati medu, paAnga achitaura nesu tiri munzira?"

¹⁰ Varopafadzei, Mwari, ava vana vose vazvarwa patsva vachangouya kwaMuri. Ndinonamata, nenzira yavo diki yakanyorova, kuti vagopiwa mukaka wakatendeka weEvhangeri, kuti vakure kuva zvivezwa zvikuru zvaKristu, kuti vagova miromo neveranda vaKe, kuti vaMushumire muchizvarwa chino chikuru cherima icho chatiri kurarama machiri, muZviyedza zvemanceru. Zviitei, Baba. Tazvikumbira izvi nemuZita rajesu. Ameni.

Mungagare zvenyu pasi.

¹¹ [Imwe hanzvadzi inotaura nerumwe rurimi. Chibenga patepi. Imwe hama inopa dudziro—Mupepeti] Ameni. Ameni. Ndinofunga kuti shoko rataurwa nderekunyaradza vatsvene, pamwe nekusimudzira...kukurudzira vadiki mukutenda kuti vaswedere pedyo naMwari uye kuti vaenderere mberi vari muKutenda. Tinotenda Mwari.

¹² Zvino ndinoda kutora chidzidzo ichi kwechinguva. Tine, hatisi kuzokwanisa kutaura asi bedzi kwechinguva chishoma, nokuda kwekuti tine makadhi omunamato anenge mazana mashanu akagoverwa, uye vose vanofanira kunamatirwa.

¹³ Saka zvino ndiri kuita izvi kuti zvigobatsira. Ndiri kungonetsuka kuti inzwi rangu harina here maungira. Muri kundinzwa here nechekumashure-shure, zvakakanaka? Riri kungonzwika sokunge riri kuita maungira pano. Uye manheru apfuura, pakudanira vanhu kuartari, ndafunga kuti zvimwe ndicho chaise chikonzero vanhu vasina kugona kunzwisisa, nokuti raiva nemaungira.

¹⁴ Zvino ndinoda kutora chidzidzo ichi masikati ano: *Kucherechedza*.

¹⁵ Zvino, chero ani zvake, atomboripo, tiri kurarama mumazuva ayo chinhu chokukucherechedza nacho chinodikanwa. Haukwanise, kunze kwekunge uchitozivikanwa mubhangha, hukwanise kutora mari iri pachekei yako kunze kwekunge uine chimwe chinhu chokukucherechedza nacho.

¹⁶ Ndinoziva, mudzimai wangu, haakwanise kutora mari iri pachekei. Asi, kana tawana cheki yedu, tinoisa mubhangha. Asi haatore mari yacho, nokuti haatyaire motokari, haana nhamba dzesocial security kana chimwe chinhu chekuzvizivisa nacho, saka chinhu chakamuwonera kuti atore mari iri pachekei. Unofanira kuva mumwe mucherechedzo uri pamutemo, uye ndinofunga kuti ndiyoyo nguva yacho yatiri kurarama mairi.

¹⁷ Kana mukacherechedza, kana ukaenda kune imwe chechi yemasangano, seMethodisti, Presbyteriani, Lutherani, kana imwe, unofanirwa kuva uine chimwe chinhu chokuzvizivisa nacho kana uri uchazotaura. Unofanira kuva nemagwaro,

kana kadhi, kana kadhi rehunhengo, kana chimwe chinhu chokuzvicherechedza nacho kuti vagoziva kwaunobva uye nezvauchazotaura papuratifomu ipapo. Unofanira kuzivikanwa zviri pamutemo. Zvino—zvino izera rekuzvibatanidza.

¹⁸ Zvino zvose zvinoitika panyama unongori mufananidzo chete weizvo zviri kuitika pamweya. Nesuwo, Chechi yeChikristu Yomene, isiri yesangano, asi ndeye humwe Hunhu. Ndiwo Mutumbi wakavanzika waKristu, uye Inozivikanwawo, zvakare. Inotakura micherechedzo. Jesu akazvizivisa pachaKe.

¹⁹ Uye zvino tinoda kutaura masikati ano pamusoro pekuzvibatanidza, nemunhu wemuBhaibheri. Tiri kuzodaro, kana kuti kufananidza chinhano chedu chazvino, nevanhu vari muBhaibheri, vemamwe mazera.

²⁰ Zvino, tinombofungidzira pane dzimwe nguva kuti—kuti tinoratidzika zvakadini tikaedza kumbotarisa muchiringiriro zvino toona kuti tinoratidzika zvakadini. Zvinondiranganridza kamwe kanyaya kaduku kandakanza pane imwe nguva, pamusoro peimwe mhuri yaigara seri kune chakasara muKentucky, uko kwandinobva, seri kunyika yemakomo uko kune...

²¹ Zvino, ambuya vangu vakararama kusvika makore zana negumi okuberekwa, uye havana kana kumboona motokari kunze kweimwe chete, zvino kuifambisa kubva panzira yakare, kuisvitsa pandakasvitsa yangu, zvakatora kuda maawa masere kuenda mamaera angada kuita mana; tichiisa matanda mutuhova, nezvakadaro, kuti uiyambutse. Havana kumboona chi—chi—chitima, kanawo chimwe chakakwegura kudaro. Pavakafa, makore apfuura, vairangarira kupondwa kwaPresident Lincoln, uye vakararama kusvika makore zana negumi okuberekwa.

²² Uye handifungi kuti vakambova nemhando nhatu kana ina dzeshangu, muhupenyu hwavo hwose. Uye ndiri kungoona tunzira twudiki twakare zvino, semuhwezwu wejerenyenje richienda kuchisipiti, ari mangwanani zuva risati rabuda; vaine mugomo mukuru wemusidhari wakare, uine simbi dzakapoterera, simbi dzakapoterera dzendarira dzaive pauri, vachinochera mvura, vodzoka kuzobika. Vaigara vakatandavara tumakumbo twavo tudiki, pamberi pechoto chakatsaruka, seizvi, vaine man'a makuru, uye iwo achitobuda ropa.

²³ Asi pavakafa, vakandimbundira nemawoko avo, ndakavabata mumawoko angu ndikachema, ndichivanamatira seizvi. Mazwi okupedzisira andakavanzwa vachitaura, aiti, "Mwari varopafadze mwuya wako mudiki iye zvino nokusingaperi." Ipapo ndakange ndingori mukomana. Asi vaiziva Kristu seMuponisi wavo, asi vakange vasina zvakawanda zveupfumi hwepasi pano.

²⁴ Saka kubva munyaya iyi munobuda izvi, kuti vanhu ava vakange vasingakwanise kutenga chiringiriro. Vakange vasina kana chimwe, zvino baba vakange vaine kachimedu ke—kechiringiriro kavakange varoverera pamuti, kokushandisa pakugusa ndebvu, panze. Vaiva nekakomana kadiki, zvino kaipota...kachidimbu kadiki kechiringiriro aka, nokuti, hakana kumbobvira kakambokwanisa ku—kusvikira pachaive, kuti kazvione. Zvino kakashanya muguta kune mumwe wevakoma vamai vake uyo akange aroorwa ne—nemurume akange auya kuIndiana, zvino vaigara kunze ikoko. Saizvozvo vakange vaine musha, vaipota vose...

²⁵ Musha wechinyakare, zvaiitika kuti, vaiva nechiringiriro chakazara pamusuwo, dzimwe nguva, kana opinda mu—mu—mudzimba dzekurarira. Handizivi kana paine mumwe wenyu anorangarira misuwo yakare iyi, kana kwete, raiva nechiringiriro chakazara kubva kumusoro kusvika kuzasi kwemusuwo.

²⁶ Saka mukomana muduku uyu, akasvika kumba kwaamai guru vake, zvino aingo mhanya-mhanya sezvingaitwa nemukomana mudiki wese, zvino—zvino vakamucherechedza. Zvino a—akatanga ku—kufamba achikwira masitepisi. Zvino, paaikwira, mberi kunoperera masitepisi, paakange ave kusvika pedyo nepanoperera masitepisi, akatanga kuona mumwewo mukomana mudiki ava kuoneka. Zvino akamira ndokutarisa kakomana kaya kaduku. Ndizvo, aive... Akamusumudzira ruwoko, kaye ndokumusimudzirawo. Zvino akaramba achiswedera pedyo nepedyo, akatarisa kakomana kaya kaduku. Chinhu chokutanga, akatambanudza ruwoko rwake. Ndokuringa-ringa. Vabereki vake vakange vakamutarisa, nokuti akange asati amboona chiringiriro. Akati, “Nhai, ndini uyo.”

²⁷ Saka handingozive, nhasi, kuti hatikwanise here kutarisa muBhaibheri, tobva tati, “Ndini uyo,” patinenge tichifunga kuti ndiyani wacho, ndeipi munhu ari muBhaibheri watingafanana naye. Zvino ngatitorei izvi sechidzidzo chedu chiduku iye zvino uye tombogara pachiri kwechinguva. Zvino apo tiri kutarisa muShoko raMwari, isu ngatizvicherechedzei pachedu, nokuti Anopa vamwe vari imomo semienzaniso yezvatiri. Zvino rangerirai kuti Mwari anotora Mweya waKe...kana kuti anotora munhu waKe, asi kwete Mweya waKe; Satani anotora munhu wake, asi kwete mweya wake. Saka regai tione kana tingakwanisa kucherechedza chinhano chedu pari zvino nevanhu vari muBhaibheri. Zvino, ivo, Bhaibheri rakati, “Zvinhu zvose izvi zvakaitika, kare mumazuva iwayo, kuti zvive mienzaniso kwatiri.” Ivo mienzaniso yedu.

²⁸ Hunhu hwedu hunotiumba muchimiro cheizvo zvatiri, hunhu hwehupenyu huri matiri.

²⁹ Zvino ukatora chizenga chiduku chehupenyu, zvino kana chirī—kana chirī chizenga che—cheshiri, chinoburitsa shiri. Uye kana chirī chizenga che—chegorosi, chinoburitsa gorosi. Chizenga chechibage, chinoburitsa chibage. Munona, hupenyu huri machiri hunoumba hunhu hwacho.

³⁰ Zvino tinoona chinhū chimwe chete, sevkakaita hupenyu hwekenza. Munona, chizenga, chizenga chekenza, chinoumba kenza. Hupenyu hwakaipa. Hupenyu hwebundu hunoumba bundu, nezvakadaro.

³¹ Munona, isu, hunhu hwedu hunoumbwa neicho chinenge chirī matiri, uye zvatiri kunze zvinongoratidza izvo zviri mukati. Zvatiri, mafambiro edu, zvisinei kuti tinoti kudini, hupenyu hwedu hunotaura zviri pamusoro kudarika zvinoita mashoko edu.

Kana tiri tingati, “Ndiri mutendi muna Mwari.”

Zvino ndobva ndati, “Zvakanaka, unotenda here Bhaibheri rose?”

³² “Hamheno, handizive.” Zvino, munona, miromo yako—yako—yako, yako chaiyo... hupenyu hwako huri kutaura zviri pamusoro kudarika izvo zvingadai zviri mashoko ako.

³³ Kana ukati, “Ndiri Mukristu. Handitende mukuita... uye ndinotenda kuti zvose zvakataurwa naMwari iChokwadi.” Zvino worarama hupenyu hwese-hwese mushure mazvo? Munona, hupenyu hwako—hwako hunotaura zviri pamusoro kudarika zvinoitwa nechapupu chako.

³⁴ Zvino, munoziva, ndicho chimwe chidziviso chikurusa chirī muChechi yaMwari. Mubiki wedoro, mutambi wenjuga, vanhu ava vari... ti—tinoziva tose nzira yekwavari kuenda, uye naivo vanoziva, pachezvavo. Asi muchinda uyo anopupura kuti Mukristu, mudzimai anopupura kuti Mukristu, shure kwazvo orarama zvime zvakasiyana, ndicho chigumbuso chikurusa chiriko kunyika yekunze, icho—icho—icho chirī kunyika yekunze, kwese-kwese. Chakaipa kudarika chinhū chingaburitswa nenyika, ndiyē uyo munhu anofanirwa kunge ari Mukristu zvino orarama zvime zvakasiyana naizvovo. Kunyepa, kuba, kunyengera, uye achiita zvinhu zvaasingafanirwe kunge achiita, zvinoshaisa maturo chapupu chake kana ukatora vanhu vanoita zvinhu zvakadaro ikoko. Zvino ndivo vacho... Hunhu hwedu hunoumbwa imomo nehupenyu hunenge huri matiri.

³⁵ Zvino tingati, “Jesu akauya kuzoponesa avo vakarasika.” Ndizvo zvaAkaita. Zvino paifanirwa kuva nechaizoponesa uyo akarasika, saka chaifanirwa kuva nehunhu hwakasiyana neicho chakarasika. Saka tinozoona kuti, apo Mwari akatarisa pasi pazvisikwa zvaKe, zvaAkange agadzira pamusoro pe... hwaKe... vanhu vepanyika ino; Hunhu hwaKe hwerudo, pachaKe, hwakaumbwa muMunhu anova Jesu Kristu, kuti ave

Muponesi wepasi rose. Iye... Izvi zvakaitwa kuti Agokwanisa kutibhadharira mubhadharo werufu, nokutidzakinura. Zvakanyatsozadzikisa Johane 3:16, munoonaa, kuti "Mwari," hapana mumwe munhu aigona kuzviita. Jesu haakwanisa kuva mumwewo hake. Hakuna humwe hunhu kupi zvako hwaikwanisa kuburitsa Munhu akaita saJesu Kristu, kunze kwaMwari Oga.

³⁶ Zvino pakanga pasina chinhu chaise Kudenga, chaigona kunge chakazviita. Munoziva, Johane akatarisa mu—muBhuku ikoko, Bhaibheri, tinoona kuti akaona kuti pakange pasina munhu panyika akange akakodzera kutora Bhuku, uye Bhuku reRudzakinuro, uye pakange pasina munhu Kudenga akange akakodzera. Hapana munhu akange aripo pasi penyika, kana kupi zvako, aikwanisa kana akakodzera kutora Bhuku, nokusunungura zviSimbisso, kana kuRitarisa. Zvino akachema, nokuti muBhuku iri maive neBhuku reRudzakinuro, zita rake iye raivemo, uye pakange pasina munhu akakodzera.

³⁷ Zvino mumwe wevakuru akati, "Usatyne, nokuti Shumba yerudzi rwaJudha yakakunda, uye Akakodzera."

³⁸ Johane akatarisa kuti aone shu—Shumba, zvino akaona Gwayana, uye raifanira kunge riri Gwayana rakabaiwa. Raiva Gwayana rakange rine ropa. Akati Rakange rizere neropa, nokuti, "Raiva Gwayana rakange rabaiwa." Zvino Gwayana rakabaiwa rizere neropa, ndizvozvo. "Uye rakange rakabaiwa kubva pamavambo enyika. Rakauya rikatora Bhuku." Hapana mumwe munhu aigona kuzviita.

³⁹ Nokuti, ukadyara zvakaita sechidhongi muvh... Chero wese wekuArkansas anoziva kuti chidhongi chii. Ukachiisa muvh, hautarisire kukohwa chibage kubva pachiri. Kwete, haukwaniisi. Saka ukatora chidhongi wochiisa pamwe ne... zvino wochisanganisa nesora rejimson, zvakadaro hapana chaunowana. Maona? Uye, munoonaa, hamuna humwe hunhu imomo kunze kweuhwo hunoburitsa hunhu humwewo, hwakaipa kune hwakaipa.

⁴⁰ Nokudaro zvakatora chimwe chinhu chakange chisina kuipa, chaikwanisa kuburitsa munhu wakaita saJesu Kristu. Zvino akange ari Mwari ainge akatarisa pamusoro pezvisikwa zvaKe, uye hunhu Hwake Omene hwerudo; achiona icho chakarasika, asi chiri mumufananidzo waKe, chakagadzirirwa kubwinya kwaKe. Uye, achichiona chakarasika, rudo rwaKe pachaKe rwakaburitsa Jesu Kristu. "Mwari akada nyika, nokudaro Akapa Mwanakomana waKe akazvarwa ari oga." NdiMwari akange ari kuZviratidza, kwete mumwewo munhu, asi iYe pachake ari mumutumbi, kuti adzikinure icho chakange chakarasika. Ndiko kusaka zvaisiririsa zvikuru, apo Mwari akatarisa panyika zvakaMushungurudza kuti Akange ambosikirei mumhu.

⁴¹ Imwe nguva, nda—ndaiva nemwanasikana wangu muduku ndakamubata ruwoko, zvino takange tiri uko kuCincinnati, panochengerterwa mhuka, zvino taifamba tichidzika zvedu, tichitarira mhuka, zvino ndakanzwala ruzha rukuru zasi pasi ku—ku—kumakeji uko kwaiva ne—nemhuka dzakaita semhumhi neingwe, nedzimwe dzakadaro, kwadzaiva. Ndakafamba ndikadzikako. Zvino paiva nezikeji, guru kwazvo, o, zvime kuda, riine hurefu hunosvika sezvakaita pasiringi ino. Zvino vakange vachangobva mukubata chapungu, mashoma, o, masvondo mashoma ekumashure kwacho, kunze uko...ndokuchiisa muhutapwa. Ndakanzwira chisikwa ichi chaisiririsa hurombo kwazvo. Zvino chaiti chikadududza... Icho ishiri huru, zvino hechinoi pano chaiswa mukeji nechimwe chinhu icho chakange chaitwa nemunhu, chikabatwa mumuteyo wezvimwe zvinhu, ndokuiswa mukeji.

⁴² Zvino muchinda mukuru uyu, akange ari kujuja ropa mumusoro, chapungu chikuru ichi, nemusoro uya muchena mukuru; ne—nemapapiro acho, minhenga yacho yakange yaunduka kubva paari seizvi. Zvino muchinda uyu waisiririsa akange akarara nemusana wake; maziso ake, akaneta, achitarisa kwese-kwese. Chaimuka, chofamba chichidzokera kune rimwe divi rekeji, zvino chobva chararisa kumatenga. Ndiko kwachinobva.

⁴³ Icho ishiri inogara muchadenga. Hapana imwe inogona kuchitevera. Karukodzi kanopamuka-pamuka, kakaedza kuchitevera. Hapana chinokwanisa kutevera chapungu ichi. Zvino chinokwira mudenga-denga, meso acho anoenderana nemakwiriro achinoita mudenga, chinogona kuona zvachinenge chiri kuita kana chiri mudenga imomo. Zvinobatsirei kuti ukwire kumusoro ikoko kana usiri kuziva zvauri kuita?

⁴⁴ Saka Mwari anofananidza vaporofita vaKe nezvapungu, vanofanoona zvinhu zvisati zvaitika.

⁴⁵ Zvino ndakachicherechedza chichijuja ropa, zvino chairara nomusana wacho chotarisa mudenga *seizvi*. *Ndiko* kwachaigara, asi munhu akange achiisa mukeji. Ndakafunga, “Zvinosuwisa zvakadini kuona!” Chaidzokera kumashure, chobva chabhururuka, chofambisa mazipapiro aya makuru zvino chosvikorovera nemusoro wacho pamasimbi aya, chobva chadonhera pasi zvakare. Chorara ipapo, chaneta, zvino chotarisa-tarisa *seizvi*; chotarisa kumatenga uko kwachakange chakasununguka, kumusoro ikoko, pane imwe nguva, asi zvino chave mukeji.

⁴⁶ Ndakamira ipapo ndikachema. Ndakashuvira kuti dai havo vanditengesera chinhu ichi, ndaichisunungura kuti chiende. Kungoona chinhu chakaiswa mukeji! Kana izvozvo zvichiita kuti munhu, anoda zvekunze, sezvo ndinoda zvekunze, kana—

kana zvakaita kuti munhu acheme, kutarisa zvakadaro; zvinhu zvaisiririsa kuona.

⁴⁷ Asi, o, regai ndikupei chimwe chionwa chinonyanya kusiririsa, ndiko kuona varume nemadzimai vakasikwa vari mumufananidzo waMwari, kuti vave nehunhu hwaKe, asi vakabatwa muzvinhu, uye vakabatwa nemiteyo yenyika. Kuona musikana wechidiki tsvarakadenga achiuya achidzika nemugwagwa, ari cha—cha—chaiye...iye—iye...mudzimai akaisvonaka kudaro, zvino vhudzi rake rose rakanaka rakadimburwa; munoona huso hwake huine—huine...Chiso chakaumbwa, zvakanaka, chakazorwa pendi yakawanda, zvokuti hauzokwanisi kuziva kuti anoratidzika sei. Anoratidzika sokunge ave nenyama dzave kuwora, aine ruvara rwebhuruu pasi pemaziso ake, ne—nemaziso anenge edzvinyu, kana emhumhi, kana chimwewo chakadaro. Uye kumuona akapfeka nguwo dzokuti haafanirwe kuwanikidzwa akadzipfeka mu—mumba yekurarira ari oga, ipapo misuwo yakakiyiwa, akadzipfeka, zvino ari kunze mumugwagwa achizvishambadzira saizvozvo. Uye kuona vanakomana vaMwari, vanofanira kuziva kuti uyo ihanzvadzi yavo, kunze uko mumugwagwa, vachiridza muridzo nokuedza kumutora, vachimutora kuti vanoita zvisina kunaka. Ichi chinhu chinosiririsa kuchiona, kuona kuti Satani waisa rudzi rwevanhu mujeji.

⁴⁸ Hapana chaigona kurwuponesa kunze kweMunhu aiuya ari pamusoro pazvo zvose izvozvo. Zvokuti, irwo, hapana chakanga chirimo marwuri, zvino Uyu aitongofanira kubva paChitibu chaMwari Samasimba chakachena.

⁴⁹ Mudzimai uya ane runako, mudiki anogona kuva mambokadzi cha—chaiye, kune mumwe muparidzi mudiki, akaneta, mudzimai anouya omutora omugadzika pamakumbo pake, omumbundikira nemawoko ake achi—achimunyaradza, hapana chimwe chinhu chinogona kutora nzvimbo iyoyo. Ichocco chikamu chemurume. Hapana rumwe ruwoko runogona kukubata, kana wakaneta wakarukutika, asi mudzimai chaiye ane moyo wakanaka, munyoro uyo anonzwisisa. Murume anozviziva izvozvo.

⁵⁰ Zvino kumuona ari kunze uko akadaro, ari mujeji maakaiswa neHollywood. Uye—uye nguva zhinji madzimai iwaya anozviti Makristu, uye vachiimba mumakwaya, asi vakaiswa mujeji nemumwe mweya wavasingagomi kuona. Hazvina betsero kuti urambe uchingozvitaura, kwavari, zviri kuratidzika sokunge zviri kungoramba zvichingoshata nokushata. Maona? Hevanoi avo, Jezebheri wechimanjemanje achifamba mumigwagwa. Uye anoti, “Ndinokupa kunzwisisa, ndiri nhengo yekuwakati, uye ini...” Munoona, zvakadaro, chinhu ichocco—ichocco kwaari nhengo chaka—chakamudimura kubva pachitibu cheHupenu. Apo

akaberekerwa kuva mumwe mambokadzi muduku kune mumwe murume, kana mumwe murume akaberekwa kuva mwa—mwa—mwanakomana waMwari, zvino kungofunga kuti chii chakaitika kwavari, o, chinhu chinotyisa.

⁵¹ Zvino, munoono, Mwari vakadzika, zvino hunhu hwaMwari aiva Kristu. Iye, ndiYe aive chadzera. Aive Mwari, aitwa anooneka. Cherechedzai, Mwari aitwa anooneka.

⁵² “Pakutanga kwakanga kuna Mwari.” Akange asitombori Mwari ipapo. Kwete. *Mwari* “chinhu chinonamatwa.” Chinhu choga chaAive, aive muna Ziendanakuenda. Zvino maAri makange muine zvizenga, zvino zvizenga izvi dzaive pfungwa. Zvino pfungwa idzi dzakataurwa dzikava maShoko, zvino Shoko rakaratidzwa.

⁵³ Chii ichocco? Zvose ndiMwari, achiva anobatika, zvino iwe uri chikamu chaMwari. Zvino Jesu akauya kuzodzikingura avo vakaisha muBhuku reHupenyu reGwayana, nyika isati yavambwa. Zvaive mupfungwa dzaMwari, zvino ndivo vaAkaya kuzodzikingura. Zvino ivavo, paRinongovarova, vanoRiona, nokuti Hupenyu hurimo imomo.

⁵⁴ Asi kana hupenyu husimo imomo, zvino vangagodini? Maona? HavaRione. Havazombofa vakaRiona. Maona?

⁵⁵ Zvino nyaya yacho yose, sekutura kwakaita Jesu, “Nezuva iroro, muchaziva kuti iNi ndiri muna Baba, Baba vari maNdiri; iNi ndiri mamuri, uye imi muri maNdiri.” Nyaya yacho yose ndiMwari, achiva chinhu chinobatika. Semurume nemudzimai vachiva chinhu chimwe, pamwe chete, Mwari neChechi yaKe vachiva chinhu Chimwe.

⁵⁶ Zvino, zvakatora chimwe chinhu kudzikingura mudzimai uyu akawa, uyo akafananidzirwa muna Evha, paakawa. “Adhamu haana kunyengerwa, asi mudzimai paakanyengerwa akawanikwa ari mukudarika.” Adhamu aitoziva kuti ari kukanganisa; mudzimai akange asingazvizivi. Ndicho chikonzero...

⁵⁷ Handisi kukugumburai, asi munoziva kuti ndagara ndichimira nazvo. Handiwirirane nevashumiri vechidzimai, nokuti hazvifanire kunge zvakadaro. Munoono, iye ndiyi mudziyo mutete. Zvino tinoona kuti mudzimai uyu akanyengerwa nemumwe munhu aimutaurira Shoko, ndokubva angoRipotsa zvishomanana, zvikava ndizvo zvakakonzera matambudziko ose aya; ndicho chikonzero Pauro akati, “Mudzimai ngaanyarare muchechi, haatenderwe kutaura,” nezvimwe zvakadaro. Zvino cherechedzai.

⁵⁸ Asi, munoono, zvose izvi, zviri kuonesa zvichiratidza nemufananidzo, seBhaibheri rose, Mwari achiuya pamwe chete neMudzimai akadzikingura, Mwenga uyo Mwari akange ainaye mupfungwa dzaKe nyika isati yavambwa. Ndido dzairatidzwa. Zvino kugadzira

munhu aigona kuzodzakinura mudzimai uyu, chaitofanira kuva chimwe chinhu chikuru kumudarika, kuti chimudzakinure. Zvino makambocherechedza here...Ini—ini...izvi zvinogona kuva...

⁵⁹ Zvino sezvakaita dzimwe hama dzangu dzechiArminian, dzi—dzidziso iri yemurairo, vanogona kuplesana nazvo, chingondiregai ndingo...Ndiregerereiwo kwekanguvana, ndingangotaura izvi. Kana iYe ari Mudzakinuri...handisi kutaura izvi kuti ndikugumburei zvino, kana kuti ndive ndakasiyana; handiparidze dzidziso, asi regai ndikubvunzei chimwe chinhu.

⁶⁰ Kana Ari Mudzakinuri, Akauya, *kudzakinura* “kunhonga icho changa chawira pasi,” kuchidzorera panzvimbo yachaimbove pakutanga, saka hakuna mumwe achanongwa kunze kweavo vaiva mupfungwa dzaKe pakutanga. Akauya kuzodzakinura, kwete zvime we zvose izvi zvichaparadzwa zvatiri kuona zviri kupupura kuti Makristu; asi kuti Akauya kuzodzakinura, avo vaiva mupfungwa dzaMwari pakutanga. Ava vamwe vanongoriwo izvo zvakapoteredza kuti Mupunzo uoneke. Maona? Rinongori...i—ibindu, bindu remaruva. Izvozvo zvinoita chikamu chazvo. Asi Mupunzo ndiwo waunoda kuona, Mupunzo waKristu, aiva Mwari achiratidza kunyika ari muchimiro cheMunhu. Amen! Ndiwo Mupunzo waunoda kuona. Ndiwo waCho. Zvime we zvese izvi ndezvekungoumbidzira, munoonaa.

⁶¹ Zvino, izvi zvakaratidza hunhu hwaKe hwerudo, hwakanaka, Mwari achiratidza muMunhu, anonzi Kristu. Ndiye oga aikwanisa kuzviita. Pakange pasina mumwe munhu Kudenga aigona kuzviita, munoonaa, aive Mwari. Aive hunhu husina chivi. Aive Shoko, hunhu hwaMwari husina chivi. Aive Shoko rakaratidza. Iro, Shoko raive mavambo.

⁶² Zvino kana uri muBhuku reHupenyu reGwayana, uri kuratidza kwaMwari kubva mupfungwa dzaKe. Akakuona akaona chishuwo chako, pasati pave kana neatomu, kana chimwe chinhuwo zvacho, zvino iwe uri pfungwa dzaKe dzaitwa shoko, dzichiratidza mune izvo zvaauri iye zvino. Amen. NdiMwari, mauri, achiratidza Kristu nhasi. Munoziva zvandiri kureva?

⁶³ Zvino, ndine tariro yekuti hazvina zvazvinovhiringidzana nazvo, munoonaa, uye handigade kutaura zvinhu zvinopesana nezvamakadzidziswa.

⁶⁴ Asi kuitira kuti mugonzwisia zvandiri kuedza kureva pano, kuratidza, unofanira kuzivikanwa. Zvino kana uri, uye wakange uri mupfungwa dzaMwari pakutanga, unoona, uye uri kuratidza kwaKe pano pasi, unozopupurira zviri Kudenga, sezvo Iye Akapupurirawo zviri Kudenga, zvakare. Zvino paAkamuka kubva muguva, akapiwa mutumbi; isu,

patinomuka, tichava nomutumbi wakafanana nemutumbi waKe iYe wakabwinyiswa.

⁶⁵ Rumuko nderwemazvirokwazvo. Rwakasimbisa, uye tine rubatso rwacho iye zvino, apo Mweya Mutsvene anouya achipinda otizivisa semunhu akadzinkinurwa naMwari. Amen! Kana uchinge wagamuchira Mweya mutsvene, wakasimbisa kusvikira rwendo rwaguma. Ndicho Chiratidzo chako chawakabata, chinoratidza kuti mubhadharo wako—wako werwendo wakabhadharwa. Iwe uri munhu akadzinkinurwa. Satani haana chokuita newe, kana chimwe zvacho. Ingotora Chiratidzo chako umuratidze, “Kupodzwa kwangu kwakabhadharirwa. Rwendo rwangu rweKudenga rwakabhadharirwa.”

⁶⁶ Chiratidzo ndicho chaunoshandisa paunokwira bhazi, kana ndege. Tikit rako ndicho chiratidzo chako. Maona?

⁶⁷ Tora Chiratidzo chako; wakadzinkinurwa; Ropafadzo, Mweya Mutsvene. Zvino kana Satani akada kuedza kusairira chimwe chinhu kwauri, ingoratidza *iChi*. Ndicho chaunobatanidzwa nacho. Amen. Unobatanidzwa mukumuka kwaKristu. Unobatanidzwa murufu rwaKe paunofa; unobatanidzwa nokumuka kwaKe. Zvino, naizvozvo, Unokuzivisa, kuti wakange uinaYe nyika isati yavambwa, nokuti wakadzinkinurwa, ndiko, “kudzorerwa pakare.” “Vose vaNdakapiwa naBaba vachauya, uye hakuna munhu anogona kuuya kunze kwekunge iVo Baba vazvipa, munoona, pakutanga.”

⁶⁸ Zvino cherechedzai, Aive nezvivi... asina zvivi, kuti atore nzvimbo yevazere nezvivi, ndiwo mushonga. Akange asina chivi kuitira kuti Adzinkinure vatadzi. Mwari akazviratidza maAri Akanyatsozviratidza zvakakwana maAri. Zvino cherechedzai.

⁶⁹ Munoti, “Hama Branham, mati here, ‘Mwari akazvizivisa pachaKe?’” Akazviita.

⁷⁰ Zvino, “Pakutanga,” Mutsvene Johane 1 yakati, “Shoko rakange riripo, uye Shoko rakange riri kuna Mwari.” Zvino Shoko rinofanira kutanga riri pfungwa risati rava Shoko, nokuti Shoko ipfungwa yaratidzwa. “Pakutanga Shoko rakange riripo, uye Shoko rakange riri kuna Mwari, zvino Shoko rakange riri Mwari,” munoona, “raive Mwari. Zvino Shoko, Shoko, rakaitwa nyama rikagara pakati pedu.”

⁷¹ Richizivikanwa sei? Zvino vaHebheru 4, munoona, “Shoko Ramwari rinopinza, rine simba kudarika munondo unochecka nemativi maviri, richicheka nepakati,” rinochecka pose richiuya richienda, “richicheka nepakati, uye rinonzvera pfungwa pamwe nezvido zvemoyo.” Zvino paAkazviita izvozvo, ndiko kuzivikanwa kwaiitwa vaporofita, nokuti ivo... Mwari aitaura ovaudza izvo zvakange zvakakanganisika pamwe nezvainge zvichiitika. Maona? Ndiko kuziviswa kweShoko renguva, parinenge richiratidzirwa.

⁷² Akange ari huzaro hweShoko raMwari, nokuti Aive huzaro weHumwari mumutumbi. Aive Mwari ari muchimiro chemunhu, uye zvakatotora Mwari kuratidza hunhu hwakadai. Zvino hupenyu hwakaisvonakisa uhwu hwakazotorwa kubva kwaAri, kuitira kuti Agoponesa avo vakaonekwa mukufanoziva kwaMwari pakutanga, idzo dzaive dziri pfungwa dzaKe pamusoro pako nenii. Jesu akauya kuzoita izvozvo; hupenyu hwaKe hwakakwana hwakazopiriswa, kudzikinura munhu iyeye. Zvino, kana vakazviita, uye wakange uri pamwe naMwari mupfungwa dzaKe pakutanga, ko unozoramba sei kuti Shoko raKe nderechokwadi, kana iwe uri chikamu cheShoko raKe. Ameni. Ndizvozvo. Rasimbiswa, zvakakwana, panenge pasina chakanganisika pazviri. Akati, “HaNdini ndinoita mabasa, ndiBaba vaNgu vanogara maNdiri.”

⁷³ Zvino tinoona mumhirizonga huru yezuva rino, vanhu, pamusoro pekunzwisa Mwari, “Mwari ari muvanhu vatatu?” Mwari, hunhu hutatu hwaMwari, semahofisi matatu: Mwari ari pamusoro pedu, muMweya Mutsvene ari kumusoro uko, ari muShongwe yeMoto; Mwari akaitwa nyama akagara pakati pedu, Munhu wataigona kugunzva nekubata; zvino Mwari ari muChechi. Mwari pamusoro penyu; Mwari anemi; Mwari ari mamuri. Munoona, Mwari mumwe chete, ari mukuratidza kutatu kwakasiyana, asi ari Mwari mumwe chete nguva dzose.

⁷⁴ Cherechedzai, kuti pasave nekukanganisa. Hunhu hwaKe husina chivi hwakaratidza Shoko raMwari. Uye nzira yoga yaunozokwanisa kuratidza nayo Shoko raMwari, kuti unoRitenda nekuRiona richiita mabasa shure kwako, unofanirwa kuva neHunhu husina chivi hunobva kuna Mwari. Nyika isati yavambwa, wakacherechedzwa pamwe naYe. Shoko risati rambokwanisa kuZviratidza kubudikidza nemauri, zvinotora Hunhu husina zvivi kuzviita.

⁷⁵ Zvakanyanya, kusvikira, Akange ari Shoko muhuzaro hwaro. Shoko raMwari raifamba nemaAri pasina chidziviso kusvikira paAitura Shoko rimwe, raibva rasika. Munoona, zvakaratidza kuti Aive Ani. Ndiani anogona kusika, kunze kwaMwari? Munoona, Mwari ndiye oga musiki aripo. Uye Akange ari muhumwe hwakakwana, iYe neShoko vakange vari pamwe chete zvakakwana, kusvika pokuti Akasika, kunyangwe Akange ane, iYe neShoko vaive chinhu chimwe chete.

⁷⁶ Hapana humwe hunhu hwaigona kuzviita izvi. Hapana humwe hunhu hwaikwanisa. Hakuna munhu, kuMatenga kwakange kusina, hapana zvimwe, zvaikwanisa kuita zvakadaro kunze kwaKe, nokuti ndiye akava mavambo eMunhu iyeye, Muponesi! Ngirozi haina kubarwa kuva Muponisi; yakasikwa iri Chinhu chinonamata Mwari, kwete Muponisi. Asi muna Mwari maiva neMuponisi. Munhuwo zvake akaberekwa nemunhukadziwo zvake haakwanisa kuva Muponisi, nokuti hunhu hwake ndehwenyama. Asi zvakatotora Mwari, pachaKe!

Ameni. Ndi—ndinotarira kuti mazviona. Tarirai, ndiko kwakava kuratidzwa, kubuditsa Munhu akadaro. Vamwe vose, vaive vanhu vakawa; hapana chaigona kuponesa. Ngirozi hadzina kusikirwa izvozvo. Munhu akange akawa. Tarirai, ko munhu uyu Aizokwanisa sei . . .

⁷⁷ Tarirai, kuratidza kuti ndeavo vaAkafunga pamusoro pavo, pfungwa dzaKe ndiye Mukristu wanhasi, pfungwa dzaivepo nyika isati yavambwa. Zvino rangerirai, “Munhu, paakaberekerwa muchivi, akaumbwa mukusarurama, akauya panyika achitaura nhema.” Ndizvozvo here? [Ungano inoti, “Ameni.”—Mupepeti] Hamuna chiri maari zvachose. Saka, munoona, kana aive mupfungwa dzaMwari paakauya panyika, akauya (mupfungwa dzaMwari pakutanga) kuzoratidza pfungwa dzaKe. Tiri tese here? [“Ameni.”] Zvino Jesu akauya kuzobvisa makore, kuti pfungwa iyi izviratidze pachayo. Ameni. Ndizvozvo. Iye ndiye Shoko raMwari raratidzwa. Zvino, hapana chimwe chinhu chaigona kunge chichiratidza; vamwe vanhu vose vakange wawa. Zvino, munoona, sei Jesu akauya, kuzodzosera vanhu vaya? Kwete, kwete, vakaberekerwa muchivi, vakaumbwa mukusarurama.

⁷⁸ Akauya seMudzikinuri. Zvino *kudzikinura* chero chinhu, zvinoreva “kuchidzosa zvakare.” Ameni. Kuchidzosa zvakare! Yakange iri pfungwa yaMwari, iwewe! Funga! Iwe mudiki, ini mudiki; hapana mumwe munhu panyika aigona kutora nzvimbo yangu, hapana munhu anogona kutora yako. Iwe uri Mukristu akazadzwa neMweya, Mwari, uye nyika isati yavambwa, akakuona akaziva chimiro chose chaunacho, munoona, zvino Jesu akauya kuzokudzosa zvakare. Ndizvo zvakavingwa pano naJesu, Mudzikinuri, mutumbi wemunhu, kukudzosa zvakare. Akatouya kuti ave munhu, seMudzikinuri, kuratidza hunhu hwaKe seMuponesi, akauya kuzokudzikinura nokukudzosera zvakare kwawakange wabva. Wakange . . .

⁷⁹ Kana wagamuchira Hupenyu Husingaperi, pane mhando imwe chete yeHupenyu Husingaperi. Ndiro shoko rechiGiriki, Zoe. Ndizvozvo here, hama? [Hama inoti, “Hongu.”—Mupepeti] Zoe, “Hupenyu Chaihwo hwaMwari.” Saka iwe, zvauri mwanakomana, unova chikamu cheHupenyu ihwohwo. Saka Hupenyu huri mauri hauna kumbobvira wakavamba uye haUgone kumbove nemagumo. Pafunge ipapo. Haukwanise kuguma, nokuti chose chinogara Nokusingaperi hachina mavambo. Hupenyu huri mauri hauna kumbobvira wakavamba, ndokunge, kana uine Hupenyu Husingaperi. Zvino ndiMwari, nokuti wakange uri mupfungwa yaKe kubva muna Ziendanakuenda, uye zvino dziri kuratidzwa pano dziri mumunhu, kuitira kubwinya kwaKe. Jesu akauya kuzodzikinura ivavo, ari Mwanakomana, huzaro hwaMwari hwaifanira kuuya zvino wova izvozvo. Hunhu hwaMwari husina zvivi ndihwo wakazviita izvozvo, kuti agodzikinura dzimwe pfungwa idzi

dzainge dzichazouya kwaAri, kuzogadzira Mudzimai. Muri kuona here zvandiri kureva? O, inyaya yakabwinyiswa chose! Hatisati...tisatangane naizvozvo, zvisinei. Ngatiendererei mberi. Zvakanaka.

⁸⁰ Cherechedzai, “akasika.” Mwari, Mwari vaipfuura nemaAri sezvinoita mhe—mhepo ichipfuura nemu—muchivakwa, kana semvura iri kuyerera ichidzika nehova, kana naIye aive...Iye neShoko vari Chinhu chimwe. Hapana mumwe munhu aigona kuzviita, nokuti ndiYe Oga akabarwa pasina zvepanyama. Vamwe vose zvavo kwaiva kusangana kwemurume nemudzimai, zvepanyama. Akabarwa pasina kusangana kwemurume nemudzimai. Akabarwa nemhandara.

⁸¹ Mwari akazvizivisa pachaKe sezvatiri. Akatora—Akatora hunhu hwaKe, izvo zvaAiva, hunhu hwaKe saMwari, ndokutambanudzira tende raKe pano pasi akava munhu. AkaZvigadzirira tende, mutumbi wokugara mauri, zvino mutumbi iwoyo unozivikanwa saJesu. Mwari aigara muna Kristu. Munoona, Akava munhu, kuti atiponese. Uye Akazvitorera chedu paAri, chimiro chedu, kuti Agoumba hunhu hwaKe matiri.

⁸² Zvino hunhu hwaKe hwaive, hwekuti, Aiita zvinhu zvose zviafadza Mwari, uye Aigara neShoko. Ndizvo zvaAitidira, kuti tigare neShoko raMwari, towana nzvimbo yedu, zvino tobva taziva kuti tiri papi. Garai neShoko raKe! Zvino, pafungeiwo, tiri kukokerwa kuti tiumble hunhu hwedu kuti hufanane nehwaKe. Zvino tave kuzoona zvatakaita. Kuumba hunhu hwedu kuti huite sehwaKe pachaKe, kubudikidza neMweya waKe pachaKe. Zvino isu, kubudikidza naYe, tiri vanakomana vaMwari, izvo zvandabva mukutura, nokuva nepfungwa yaKe matiri, kuti tiumble hunhu hwedu huve sehwaKe, pfungwa yaKe. “Regai mufungo waiva muna Kristu uve mamuri.” Kana mufungo uyu uri mamuri, zvino, munoonaa...

⁸³ Aingoita bedzi izvo zvinofadza Mwari. Aiziva kuti iYe Aive ani. Akauya, Mwanakomana waMwari. Aiziva kuti Aizotora nzvimbo iyoyo. Hunhu hwake hwaifanirwa kuva saizvozvo. Zvino Iye, paakange atora nzvimbo iyoyi, Aiziva zvaitarisirwa pana Mhesiya, zvino aibvunza kuna Mwari nguva dzose kuti aite zvinhu izvozvo, uye hapana chaAiita kusvikira Baba vamuratidza.

⁸⁴ Zvino ukawana nzvimbo yako, hanzvadzi, usaite kuti ndikugumbure, kana hama, asi unowana nzvimbo yako muShoko, seMukristu. Kwete zvakaturwa nechitendwa; zviri zasi kuno kumarara epasi achazoparadzwa. Munoona, iwe wana nzvimbo yako seMukristu, nokuti hunhu hwako hwakaumbwa sehwaKristu. Uri Zoe zvimwe chete sezvaAive Zoe. Zvino kana Bhaibheri rakati “mudzimai haafanire kudimura vhudzi rake,” ko ungazviita sei? Rinoti “murume ndiye mutongi wemba,”

ko imi madzimai mungava sei? Dambudzikoko renyu nderei imi varume muri vanakomana waMwari? Maona? Munoono, hauwane nzvimbo yako. Maona? Tarirai zvino. Umo... Muri kukokerwa kuti muuye kuzotora hunhu hwaKe. Kana wava nehunhu hwaKe mauri, zvinokuumba mumufungo mumwe chete uyo waAive, zvino pfungwa yaKe nguva dzose kwaive kuita zvaakange atemerwa naBaba kuti Aite.

⁸⁵ Akati, “Nzverai Rugwaro. AnoNdipupurira.” Nemamwe mashoko, “Kana Ndikasaita chaizvo izvo Rugwaro rwakati Ndichaita, zvino chiNdiratidzai kuti ndepapi.”

⁸⁶ Zvino toti dai Mwari amira papuratifomu nhasi, obva ati, “Chii chinotarisirwa paMukristu?” Zvadaro isu tose tinozomirepi? Munoono, hunhu hausi kuzviratidza.

⁸⁷ Pfungwa yaKe yaive yokugara paShoko raBaba. Pfungwa yavo—yavo yaive yoku... Pfungwa imwe chete yaiva mavari yaizenge ichizova matiri. Zvino kana pfungwa yaKe iri matiri, tinoita sezvaAkaita. Kana hunhu hwaKe huri matiri, tichange tiri sezvaAive. Ndizvo here? [Ungano inoti, “Ameni.”—Mupepeti] Vaporofita vose vakange vainahwo, tinozviziva. Takatora, tora zvaNowa, zvaakaita muzuva rake, Mosesi, zvaakaita muzuva raKe, Dhanieri muzuva rake, vana vechiHebheru, nevamwewo.

⁸⁸ Shoko rinoumba hunhu hwaMwari kwatiri, zvino chipi hacho chingaedza kusanganisa nehunhu uhwu, chinopwanya foroma. Haukwanise kusanganisa chitendwa neShoko. Haukwanise kusanganisa nyika neShoko. Jesu akati, “Haukwanise kushumira mwari nemammon.” *Mammon* zvinoreva “nyika.” Haukwanise kuva; chino kana chimwe chacho. “Kana uchida nyika, kana zvinhu zvemunyika, rudo rwaMwari harutombori mauri.” Ichokwadi here? [Ungano inoti, “Ameni.”—Mupepeti] Saka, munoono, hamukwanise kuzvisanganisa.

⁸⁹ Haukwanise kusanganisa mafuta nemvura. Hazvitombosangani. Unogona kuzvikurunga uchikwidza nokudzika, ugoita zvose zvaunoda, hazvisangane.

⁹⁰ Zvino hunhu hwako hausangane nenyika, kana uri mukuumbwa muchimiro chaMwari, uchitendera kuti pfungwa yakanga iri muna Kristu ive mauri. Ndiyo nharire inotungamirira, mugwara rokuenda.

⁹¹ Zvino ngatitarisei muchiringiro chaMwari, Shoko raKe, tobatanidza hunhu hwedu hwazvino nehwemumwe munhu ari muBhaibheri. Tiri kuzovhara mushure memaminitsi mashoma zvino. Tizvibatanidze. Zvino *iRi* ndiro chiriringiro chaunoda kuti uite sezvakaitwa nekamukomana kadiki kaya, kutarisa machiri. Ngatitarisei mune *iRi* tigoona kana tikakwanisa kuzviona tichiratidzirwa nemumwe munhu muBhaibheri. Kuona zvavakaita pasi pemamwe mamiriro ezvinhu, zvino

tozoona zvatiri kuita iye zvino. Zvino nyatsondinzisisai zvino, ona kuti hunhu hwako hwazvino uno seMukristu hwakadini.

⁹² Zvino unokwanisa kutonga. Hapazova nemumwe munhu anokutonga; unozyvitonga pachako, munoona. Hapana ari kukutonga. Handisi kupa mutongo. Asi ngatitarisei, toona kuti zvinoratidzirwa sei nevamwe vanhu vari muBhaibheri, patinenge tichivadoma, zvino toona zvakaita hunhu hwako panguva ino. Zvino cherechedzai, iro—iro—iro Shoko rinosika hunhu, tinozviziva izvozvo, zvino tinotarisa muchiringiriro chaKe tozvibatanidza nemune mumwe—mumwe munhu ari muBhaibheri.

⁹³ Dai wakararama mumazuva aNowa, uye uine hunhu hwauinahwo iye zvino...Kana muchindinzisisa, itai, “Ameni.” [Ungano inoti, “Ameni.”—Mupepeti] Dai wairarama mumazuva aNowa, uine hunhu hwauinahwo iye zvino, ungadai uri kudivi ripi? Ngwarira, munoona. Muhunhu hwako hwauinahwo iko zvino; zvino funga zvauri. Kana mapoka... Waizobatanidza neboka ripi, dai wainge uchirarama mumazuva aNowa uine hunhu wauinahwo zvino? Waidai uri here pamwe chete nemuporofita pamwe neShoko raMwari rakasimbiswa, mumire zvenyu muri vashoma, kaboka kaduku, kana kuti nemaonero aifarisirwa nevanhu vakawanda vezuva iroro? Hunhu hwakadii?

⁹⁴ Ungadai here uri nhengo yemachechi, nezvimwewo, vakange vachiita jee nemuporofita kumusoro ikoko? Ungadai wainge here waifamba neboka rakakwirako richiti, “Zvakanaka, ini handina chandinopesana nemutana uyu; zvime kuda ari pachokwadi,” kana kuti ungadaiwo here uri imomo muchiisa namo pamwe chete naye? Zvino funga pamusoro pehunhu hwako iye zvino. Ungadai wakaita sei apo zvihu zvose zvainge zvichipesana nazvo?

⁹⁵ Rangarira, nyika yainge ichitsoropodza muporofita nemharidzo yake, ne—nezvose, nyika, akatsoropodzwa. Machechi ose aimutsoropodza. Yose sainzi yaiti, “Munhu wacho ari kupenga.” Sezvavakataura pamusoro paJesu, kudya nyama nekunwa Ropa raKe, vakati, “Murume uyu anodya vanhu. Ndimusveta ropa.” Maona? Saka munoona kwaiva neavo vanofunga zvakanaka, avo vatinoti vanhu vemunyika vanofunga zvakanaka, avo vezvesainzi?

⁹⁶ Munoziva here, paunotutsira dzidzo nekuwanza tsika, unoziwa here kuti ndiro divi razvinokuisa? Zvinokuisa kudivi radhiyahbore. Bhaibheri rakataura kuti, “Vana verima vakachenjera kudarika avo vemuChiedza.”

⁹⁷ Tarisai vanakomana vaKaini, mumwe nomumwe wavo akave wezvesainzi, vaishanda nezvivakwa, vachibudirira zvikuru. Asi vanakomana vaSeti vose vakange vari varimi, vafudzi, vakazvininipisa. Ndizvozvo here? [Ungano inoti, “Ameni.”—

Mupepeti] Varume vane mukurumbira, vakare, sezvazvaiva mumazuva aNowa, kuti vaivaka sei nokugadzira, vakavaka mapiramidhi nezvose, vezvesainzi. Nyatsocherechedzai iye zvino, munoona. Vanhu ava vait soropodza mharidzo yemurume uyu, kunyangwe aive nehumboo hwekuti Mwari aive naye.

⁹⁸ Kana kuti dai wakararama mumazuva aEria; Eria, apo aive iye mufudzi wezuva iroro? Zvino Jezebheri, zviuru zviviri nemazana mashanu emakore akapfuura, Hollywood yakange ichitanga, nependi yake yose nemafashoni, akanga aita kuti vanasikana vose veIsraeri vange vachiita zvimwe chetezvo. Uye mumwe mutana mumwe chete akange akamirapo achirwisana nazvo! Zvino vose vaprisita vaiti, “O, zvakanaka, mutana uyo, musiyei akadaro, achasvika kumagumo ake mushure mechinguva. Hapana zviripo apa. Zvino iye, mambo wedu akanaka akapfeka semapfekero atakaita, uye ane nguwo dzakanakisisa, uye nenyika inowana chikafu chokudya kudarika dzose, nezvese, zvinoita mutsauko wei kuti waita *izvi*, kana *izvo*, kana *neizvo*? Zvinoita mutsauko wei?” Vafudzi vanga vachizvitura.

⁹⁹ Asi hapo pakamira murume mumwe chete, ari oga, aine ZVANZI NAJEHOVHA.

¹⁰⁰ Zvino muhunhu hwako hwazvino, ungadai wakaiswa kudivi ripi ipapo? Zvino tarisa muChiringiro, kana waenda kumba uchaona pauri pacho. Maona? Maona? Chii, mamiriro api ayo chinhano chako chauri iye zvino pachinokuisa nezuba iroro? Ungadai here wakaenda nepfungwa yechimanjenje, sangano, chiratidzo, munhu wacho, “O, zvakanaka, tose takaroora”? O, ichokwadi, vose vainamata Jehovha mwedzi mutsva woga-woga, uye vachidanidzira pamwe nokunwa mvura kubva muchitubu, nokurumbidza Mwari weKudenga uyo akavaunza, nezvose zvakadaro, asi vari mamayera miriyoni kure negwara. Ko chiitiko chako cheChikristu chanhasi chaikuisa papi munguva yaEria? Waizobatanidzwa nevapi? Ungadai wakatora divi ripi ipapo?

¹⁰¹ Kana kuti, paya Mosesi paakaburitsa Israeri, paakaenda zasi ikoko semuporofita akaziviswa, aine Shoko iro Mwari vakange vavimbisa muporofita Abrahama, kuti yaizoitika, uye Mosesi akadzikako akanoita zviratidzo zvose izvo Mwari vakange vamutaurira kuti aite. Nyatsoteereresai zvino, tiri kuzohara munguva shomanana. Akaburitsa vana kunze ndokupinda murenje, mharidzo, semi imi maPentekosti ave makore makumi mashanu akapfuura makasiya sangano, zvino vakayambukira mhiri kwemu—muganhu seri uko, zvino ndokubva pasimuka mumwe murume, achiti, “Zvinoka mirai zvishoma, ngatigadzirei sangano kubva pane *izvi*,” muchinda ainzi Dhatani. “Mosesi, unofunga kuti ndiwe woga ari pano. Unofunga kuti ndiwe woga munhu mutsvene pakati pedu. Tinavowo vamwe varume vatsvene, vanotaura chimwe

chinhu pamusoro peizvi. Tichangozvigadzirira boka duku, uye tichazvitenda nenzira *iyi*, uye tichazvitenda nenzira *iyi*, uye tichazvitenda nenzira *iyi*.”

¹⁰² Zvino nderipi boka iro hunhu hwako hwauinahwo zvino hunukubatanidza naro? Waidai here, mumazuva a—aEria, ungadai wakaenda here uko Jezebheri, toti, akadimura vhudzi rake ndokupenda kumeso kwake, uye ari mudzimai wechimanjemanje? Zvino chingofunga kwaauri kubatanidzwa nako zvino. Unoti, “Ndiri muPent-...” Handisi kutaura zvauri. Ndiri kubvunza hunhu hwako. Tiri kuenda pasi pezvinhu zvidiki izvi zvawakatarisa. Tiri kupinda mukati mako.

¹⁰³ Makanzwa here Mweya Mutsvene uya zuro manheru, madanidziro Awakaita pokupedzisira? Ndicho chikonzero ndiri kutaura zvandiri kutaura nhasi. Maona? Zarurai kunzwi—... kunzwisia kwenyu kwepamweya, vanhuwee, nguva Ya—yapera kudarika zvamunofunga. Maona? Maona? Maona? Munokwanisa. I—inzira iyo munhu anogona kufunga kuti zvaari zvakanaka. Asi ndakafunga, zvimwe kuda, kana Ishe vakanditendera kuti nditaure izvi, kuti vanozondiregererawo nokuda kwazvo, iri bo—boka, kana, hama; izvo, zvandinoziva kuti ndizvo zvavanoita, vari pamwe chete neni munyyaya yacho.

¹⁰⁴ Cherechedzai. Asi, izvi, kana—kana ukangokwanisa kuzviona nhasi iwe pachako, muchiedza; kana mweya wako, wanga uri mauri, wakamborarama mune mumwe munhu kareko. Zvino tarisa kwaauri nhasi, zvino unobva waona kwaungadai waive kareko. Ungadai uri kupi munguva iyoyo? Ungadai here wakatora divi nesangano raida kugadzirwa naDhatani? Kana kuti, hunhu hwako hwazvino hungadai hwakakupatsanura kubva pazviri, wogara neShoko, munoonaa, pazvaiita sokunge vose vaiva vachipesana nazvo?

¹⁰⁵ Mosesi akange asimbiswa zvakakwana, kuti akange aine mharidzo yaShe. Mwari vakange vazviratidza nenzira dzose, chaizvo izvo zvaVakataura zvakange zvaitika; vakaudza Israeri, kumashure muna Deuteronomio, kumashure-shure ikoko, “Kuti zviratidzo izvi zvingadai zviri zvii, munofanira kuzvitevera nokuzviteererera, uye mogonzwa zvakavimbiswa neShoko.” Iye akaratidza.

¹⁰⁶ Kunyangwe zvakadaro Dhatani, mutungamiri akangwara zasi muEgipita, akasimuka akati ipapo, “Uri kuedza kuzviita munhu woga ane zvimwe zvinhu.”

¹⁰⁷ Yakange isiri pfungwa yaMosesi. Akange ari kuita izvo zvaakange agadzwa naMwari kuti aite. Vamwe vose havaifanirwa kuva vanaMosesi. Vanhu vaingofanirwa bedzi kutevera zvaainge ataura. Haasi munhu wese aifanirwa kusika, nokuita mashura nezvimwe. Ndiro dambudziko rine vanhu nhasi.

¹⁰⁸ Mumwe mudzimai akandibvunza, tichiuya tichidzika nemumugwagwa, mumwe musi, anobva kumusoro kuno. Akati... NdiFlorence Shakarian, hanzvadzi yeHama Demos, pamwe neHanzvadzi Williams nevamwe vagere mumotokari. Akati, "Hama Branham, ndinotsanya ndigotsanya nokutsanya, uye kunyangwe zvakadaro handikwanise kudzinga madhimoni."

¹⁰⁹ Ndakati, "Hamuna kuberekwa kuti muite zvakadaro. Basa renyu imi, kutsanya. Mweya Mutsvene ari kushanda pane mumwe munhu kunze uko anoita izvozvo. Hamuzive nzvimbo yacho."

¹¹⁰ Dai tanga tiine nguva, taizodzidzisa zvinhu izvi mumisangano yenguva yakareba. Kuti mumwe munhu anonzwa mutoro, *seizvi*, wechimwe chinhu chiri nechekuno uku. Hauzive, hauzive, uye hazvizi kwauri kuti uzive. Ndiye Iye ari kuzviita. Unongori pasi pekudanwa kwako, uye nokuzviisa nguva dzose mugwara reMagwaro, uchiona kuti ndizvo here kana kuti kwete.

¹¹¹ Zvino tinoona kuti, vose... Uyu aive Mosesi aitsoropodzwa, zvino ai—aitsoropodzwa neboka iri, asi Mwari vakati kuna Mosesi, "Zvipatsanure kubva kwaari, nokuti Ndinoda kumumedza nenyika," uye Akazviita. Zvino, munoonaa, munofanira kuziva nguva yamuri kurarama, uye zvino woyeria hunhu hwako nezvavakange vari.

¹¹² Kana kuti, mumazuva aKristu. Ndinoda kukubvunzai iye zvino. Apo vakange vase maseminari akaisvonakisa, vashumiri vakaisvonakisa, vane fundo yepamusoro-soro, maitiro matsvene ekunamata epamusoro, neizvo zvose isu, zvavakambova nazvo; zvino Jesu paakauya ipapo, Akange ari zvemazvirokzwavo "mupanduki," kwavari. Asi, munoonaa, Mwari vakaratidza hunhu hwaVo Vomene maAri, nokuratidza kuti Akange ari Mwari. Zvino Akati, "Kana musingazivi kuti ndiNi Ani, nzverai Magwaro."

Vakati, "Tinoziva Mosesi. Hatimbo-..."

¹¹³ Akati, "Dai maiziva Mosesi, mungadai maiNdiziva. Akanyora pamusoro paNgu."

¹¹⁴ Zvino, dai waigara muzuva iroro, uye uri nhengo yeimwe chechi yakanaka yeKanzuru yeSanhedrini, ine mufudzi akanaka, idivi ripi raungadai wakatora? Nderipi, idivi ripi iro hunhu hwako hwazvino hwaraiküsa? Pafunge. Zviri kwauri. Idivi ripi, iro hunhu hwako—hwako zvino hwezvauri, waimira nedivi ripi mumazuva aJesu, kana mufudzi wako akati, "O, zvinhu izvo hazvina maturo?"

¹¹⁵ Asi zvakadaro hepanoi Jesu anodzoka, achiti, "Gwaro rakataura kuti Ndaizoita *izvi*," uye Akazviita. "Gwaro rakataura kuti Ndaizoita *izvi*, 'ndobarwa nemhandara.' Gwaro rakataura kuti Ndaizoita *izvi*," uye Akazviita. Akati, "Nzverai Rugwaro muone paNdakakundika."

¹¹⁶ Asi ivo vakati, “Musateerere muchinda uyu; Arasikirwa nepfungwa dzaKe.” Maona?

¹¹⁷ Ndeupi, une hunhu hwakadini iye zvino? Ungadai wakaiswa kupy kwacho kareko mumazuva apo Jesu akange ari panyika, apo masangano makuru nevadzidzi veshoko vose vakange vachipesana naYe, nevose vadzidzisi pamwe nevadzidzi veshoko vezuva iroro vakange vachipesana naYe, nevose vadzidzisi veBhaibheri vakange vachipesana naYe? Kupesana nei? Kupesana neShoko raMwari rakajeka rezera iroro richiratidzwa, richiziviswa, Mwari pachaKe achiziviswa.

¹¹⁸ “Zita raKe richanzi Gurukota, Muchinda weRugare, Mwari ane Masimba, Baba Vokusingaperi. Mhandara ichabata mimba yogobara mwanakomana uyu. Humambo huchava pamafudzi Ake, munoono, Humambo hwaKe hauna magumo.” Ndeupiko Munhu uyu? Kacheche, Mwari, shure kwezvo Mwari anozova murume. Ungazvifungidzire here Jehovha achichema sekacheche? Ungazvifungidzire here Jehovha achiberekerwa mudanga? Ungazvifungidzire here Jehovha achitamba semukomana? Ungazvifungidzire here kuti chechi, yaiti iyo inoMunamata, ichiMuroverera?

¹¹⁹ Zvino waizvibatanidza nedivi ripi? Izvo zvaitaurwa neShoko rechokwadi, risina kusvibiswa, Romene, kana kuti ungadai here wakatora chitendwa chako? Nehunhu hwauiyahwo iye zvino, ungadai uri kupi? Zvino ndiko chaiko kwaungadai wainge uri. Chero zvauri iye zvino, ndizvo chaizvo zvaungadai wakange uri kareko, chaizvoizvo, zvakajeka. O, ini zvangu!

¹²⁰ Apo, chiratidzo chaKe chaMhesiya, zvino tarirai, chiratidzo chaKe chaMhesiya chakazivisa hunhu hwake, nokuti akange ari Mwari mumunhu, Shoko. Muri kuona here zvandiri kureva? Chakanzvera pfungwa, ndokuvaudza zvinhu zvose izvi.

¹²¹ [Chibenga patepi—Mupepeti]... Shoko rakamuwana arimo. Asi Shoko parakavaima pokutanga, akaRibata. Akange ari imwe yepfungwa dziya dzaMwari, yakaratidzwa. Maona?

¹²² Asi avo vakange vakamira ipapo vaine hanzu dzevaparidzi, nemhando dzose dzeruremekedzo, pamwe nemhando dzose dzekutsveyamisa Shoko richiva zvinhu zvakasiyana-siyana, uye vachiRiita vasina kuperera maRiri, chero bedzi vari nhengo yechechi, ndivo avo vaiti vane Chiedza, zvino Chiedza chakaisa rima pachiedza chipi zvachochavaiva nacho.

¹²³ Sokunge uri kuedza kubata chiedza chetochi muzuva, kuti udzime zuva. Maona? Sei chiedza chetochi chisingakwanise kudzima zuva, sei kana zvachochavaiva chiedza chisingakwanise? Hapano chiedza chinogona kudzima zuva. Sei? Nokuti iShoko raMwari rakaratidzwa. Mwari akati, “Ngakuve nechiedza,” zvino ichocco chiedza chaMwari. IShoko raMwari rakaratidzwa; herinoi rouya!

¹²⁴ Hapana chitendwa, sangano, hapana papa, muprisita, kana chii zvacho, kana Chiremba wedzidziso yeBhaibheri, hapana sangano, hapana nyika, hapana chinhu, chinozokwanisa kudzima kuratidzwa kweChiedza chaMwari. Kana Shoko richinge rataurwa zvino rinozova Chiedza, rinozoita izvo zvaRakataura kuti Raizoita. Hapana chitendwa chinogona kumira pedyo naRo, hapana kana chinogona kumira pedyo naro, kunze kweChiedza pachezvaCho pamwe neavo vanozofamba machiri. NdiJesu Kristu akamutswa kubva kuvakafa, pano achizviratidza pachaKe pakati pedu, uye tinofamba tiri maAri. Hapana chinogona kuzvimisa. “Matenga nenyika,” Jesu akati, “zvichapfuura, asi iRo haripfuuri.” Cherechedzai, vose vadzidzisi veBhaibheri, nevamwe vakadaro . . .

¹²⁵ Zvakadaro, vachiona Shoko iroro richisimbisa, chiratidzo chaKe chaMhesiya chichiratidza kachipfeve kaya kuti iYe aive Ani, vamwe avo vakange vane pfungwa dzaiva mupfungwa dzaMwari, saPetro na—naNatanaeri, neavo vose vaive mumufungo waMwari. Pakangopenya Chiedza, vakaChiziva. Zvakange zvisingade kuti vaite zvekuvakwevera kuaritari, kuvadanirako ne—nekuvagombedzera, wovaudza kuti une zvimwe zvauchazovaitira kana vakauya, uye uchavaita kuti vararame zviri nani, uye uchaona kuti ungavawanire basa here ukataura nemukuru webasa, wovaisa kwekugara kuri nani. Vakange vasina basa nazvo. Vaitorwisa kuti vamire panzvimbo yavo. “Asi hapana chinhu chichatipatsanura,” sekutura kweBhaibheri, “kubva parudo rwaMwari rwuri muna Kristu.” Kutambudzwa, njodzi, rufu pachezvarwo, hazvikwanise kutipatsanura, nokuti tose takange tirimo, takagara tirimo, mupfungwa dzaKe. Zvakanaka, toenderera mberi.

¹²⁶ Chinhanho chako chazvino chinokubatanidza here nevaFarisei vezuva iroro? Chingadaro here chinhanho chauri iye zvino? Zvino iwe kana ukati, “Kwete, hachindibatanidze nevaFarisei vakare,” ko iye zvino? VaHebheru 13:8 yakati iYe ndiye mumwe chete zuro, nhasi, nokusingaperi. Zvino chinhanho chipi icho hunhu hwako hwaunahwo pari zvino chahunokubatanidza zvino? “Handainge ndiine chokuita nevaFarisei. Kwete, changamire.” Zvino, rinongori zita, kwauri. Asi ko icho chinhanho chauri machiri, kana waMuona nhasi muchechi maKe sezvaAive kareko, zvino iwe ungadai uri kupi? Nhoroondo iri kuzvidzokorora.

¹²⁷ VaFarisei vezuva iroro vakamira vachiMupikisa nokuda kwezvakashata zvavaimufungira. Uye ndiro dambudziko ririko nhasi, nyika yemasangano inomira ichipikisana neChokwadi cheShoko, nokuda kwezvakashata zvavanofungira.

¹²⁸ Pandaiva panguva yekubvunzwa nemuprisita weKatorike nguva shoma yapfuura, akati kwandiri, “Uri kuedza kudzidzisa Bhaibheri.”

Ndikati, “Ndiro randinotenda mariri.”

Akati, “Mwari ari muchechi yaKe.”

Ndikati, “Mwari ari muShoko raKe.”

¹²⁹ Akati, “Ndekare, vanhu vose vakatanga vaiva maKatorike.” Ini ndikati . . . “Petro, Jakobho naJohane, vose vaive maKatorike.”

¹³⁰ Ndikati, “Kana vaive . . .” Zvino iye ndokuti . . . Ini ndikati, “Iwe, unofungei pamusoro pechechi nhasi?”

Iye ndokuti, “Iri nani nekure kudarika zvayaiva kare.”

¹³¹ Ini ndikati, “Itaika zvinhu zvamaiita kare.” Munona, hunhu hwacho hunoratidza chaizvo zvazviri.

¹³² VaFarisei vezuva iroro, nokuda kwezvakashata zvavaimufungira! Rangarirai, aive mafungiro akashata. VakanyatsoZviona! Nikodhimo, mumwe wevaprisita vavo, akazvitaura, akati, “Rabhi, tinoziva kuti Muri mudzidzisi akabva kuna Mwari. Hapana munhu anokwanisa kuita zvaMunoita kunze kwekunge Mwari ainaye.” Munona, asi nokuda kwezvakashata zvavaimufungira, nokuti haana kujoinha boka ravo!

¹³³ Dai akauya, achiti, “Zvino imi vaFarise muri kukanganisa; Ndiri mu—Ndiri muSadhuse,” kana kuti, “imi maSadhuse muri kukanganisa; Ndiri muFarise.” VaFarise vangadai vakati, “Munona, ndakakuudzai tisu vechokwadi.” Asi haAna kumbouya kunaani wavo; asi Akamira ari pakati pavo.

¹³⁴ Dai wainge wakaMutevera, kuti uone minana yaKe ikoko, zvino ipapo . . . Zvino woti, “O, ndingade kuona minana yaKe.” Zvino wobva waMutevera, kuti uone minana yaKe.

¹³⁵ Zvino paAkasvika panzvimbio iyi, ndokuti Akamira kuratidza minana yaKe, sokunge kudaro, ndokutanga kuvadzidzisa. Zvino vashumiri makumi manomwe, vakagadzwa naKristu, vakasimuka ndokufamba vachibva kwaAri nokuti Akange ataura zvime zvinhu zvakange zvingaenderane nesainzi, kana zvakanga zvisingawirirane nerimwe boka rose. Vakange vasinganzwisise kuti zvingaitika sei kuti uyu Munhu, iye ari munhu, asi Aizviidza Mwari akaburuka kubva Kudenga. Mwanakomana wemunhu achikwira kuenda uko kwaAkabva. Akange ari Mwari. Zvirokwazvo, ndizvo zvaAive. Vakati, “O, isu, zvakanyanyisa kutiomera, hatikwanisi kuzvigamuchira.”

¹³⁶ Idivi ripi raungadai wakabatanidzwa naro panguva iyoyo, iye zvino nehunhu hwako uhwo hwakaumbwa mauri? Pane chimwe chinhu chakaumba hunhu hwako. Uri imwe mhando yemunhu. Unozokwanisa kuzwiwana uri pane imwe nzvimbos pano. Ungadai wakaitei? Ko, muchinhanho chako chazvino, ko, ungadai uri kupi kwacho panguva iyoyo? Maona?

¹³⁷ Vadzidzisi vose vachiMupikisa, nezvose, zvino minana yaKe yakaMuzivisa. Zvino vara makumi manomwe pavakasimuka, pamwe nevafudzi nevashumiri, vakasimuka vachiti, “Hatikwanise kuZvinzwisia iZvozvo,” ungadai here wakafamba uchienda sezvakaita ungano iyi? Kana kuti ungadai wakaita sevadzidzi, “Handina basa nezvavanotaura”? Munona, zviripo.

¹³⁸ Zvino Jesu akatendeuka akavapa moyedzo, ndokuti, “Mose munoda kuendawo here, zvakare?”

¹³⁹ Munona, vakange vainaYe akabatwa mumuteyo. “Handiti, Murume uyu ndimusveta ropa,” vakati, “tinofanira kudya nyama neropa raKe.” Vakafamba vachienda, iyo ungano.

¹⁴⁰ “Zvakanaka,” vashumiri vakati, “zvakanaka, tichamboti garei kwechimwezve chinguva, tigoona kuti chinombori chii.”

¹⁴¹ Zvino Akati, “Zvino kana mukaona Mwanakomana wemunhu achiZvizivisa saMwari zvino, munona, kana mukaona Mwanakomana wemunhu achikwira Kudenga uko kwaAkabva.”

“O,” vakati, “izvi zvazotinyanyira,” zvino havo vakabva vaenda.

Zvino akatendeukira kuvadzidzi, ndokuti, “Munoda kuendawo here, zvakare?”

¹⁴² Zvino Petro akati, “Ishe, tingaende kunaani? Tingaende kupiko? Tinoziva kuti iMi, uye iMi mog, mune maShoko eHupenyu.”

¹⁴³ Zvino ndizvo zvimwe chetezvo nhasi, “iYe,” kwete sangano renyu, kwete boka renyu. Kristu, uye iYe oga, ane Shoko reHupenyu. Unozvibatanidza nedivi ripi, neimwe here ngano yenhemba yechimwe chinhu chakaitwa nemunhu, kana neizvo Mwari vakabudirira pazviri? Sekutura kwandakaita nemusi weSvondo yapfuura paKuverenga Uchidzoka Shure, izvo Mwari akakwanisa kuita, kuti apinze Chechi yaKe muzera rechitundumuseremusere zvino. Maona? Kana kuti, ndekupi iwe, kana kuti unokwanisa here kuona kwaunobatanidza nako zvino?

¹⁴⁴ Cherechedzai, nemudzidzisi ane mukurumbira, ane rudo. Ndinoda kumbotaura nemi imi vechidiki, kweminiti. Ndekupi kwaunozvibatanidza nako, mudzimai wechidiki, iwe uri kuchikoro? O, unogona kutsemura tsanga, unogona kuratidza zvose *izvi*, uye–uye uri mudzidzisi wesainzi nezvese. Asi unombozivei? Hazvigoni kukupa Hupenyu.

¹⁴⁵ Hupenyu hunouya bedzi naKristu, “kuMuziva,” kwete kuziva Shoko raKe, kwete kuziva Chechi yaKe, kwete kuziva chaKe *iChi*. “KuMuziva,” ndicho chinhu choga chinogona kukupa Hupenyu.

¹⁴⁶ Zvino kana iRori rauya pamberi peuyo achangobva zera wechimanjemanje, sezvakaita mukomana wenyu wechiPentekosti wechimanjemanje, Elvis Presley, akatengesa hudangwe hwake nerundaza rwemaCadillac nemamiriyoni emadhora emarekodzi egoridhe, nezvimbewo. Ndizvo zvinodiwa nenyika. Vanoda Pentekosti inogona kurega vanhu...

¹⁴⁷ Nhasi, madzimai anoda Pentekosti inovarega—regavachidimura vhudzi ravo vachipfeka zvikabudura, kana kuita chero chipi hacho chavanenge vachida kuita, uye—uye vachiramba vakabatirira pachapupu chavo—chavo chokuva maPentekosti. Ivo, vanongoda izvozvo kunyangwe zvakadaro. Maona? “Kwete, handingamboendi kune chipoka icho. Kwete, vane...Nderechinyakare.” Maona? Munoona, vanoda izvozvo. Hungori hunhu hwacho. Uye vamwe vevarume, vanotungamirirwa nemadzimai, vanotozvipa kwavari.

¹⁴⁸ Asi, “Mwari anogona kubva pamatombo aya.” Mumwe munhu anofanira kuparadzira Chiedza, uye tine munhu nhasi asingatyi kuChiparadzirawo, zvakare. Ngazvive sezvazvinoda kuva.

¹⁴⁹ Unobatanidzwa nedivi ripi? Uri pamwe neboka ripi? Maona? Wakamira papi? Cherechedzai.

¹⁵⁰ Muchinda wechidiki uyu, akazvibatanidza nechechi yake; mubhadharo wacho wakange wakakurisa. Zvino kana—zvino kana mukarangarira kwaakagumisira abatanidzwa nako, uko kwatakazomuona ave jaya mutongi uyu akange ambowana mukana wokuti atevere Jesu. Akaenderera mberi ndokutora chechi yake ndokuramba achienda. Akange ari mukomana akanaka, akati akachengeta mirairo akaita zvinhu zvose izvi. Uye aiziva zvakangonaka sezvaingoitawo vamwe vavo vose, nokudaro akangotoru pfungwa iyoyo. Akaramba kutevera Jesu, zvino kwaakabatanidzwa nako kumagumo ake, tinomuona ari mugehena, achichemera Razaro kuti auye amuunzire mvura.

¹⁵¹ Kana, zvaunobatanidzwa nazvo, unogona here kubatanidzwa neboka iro maiva muina Judhasi? Akatanga kufamba naJesu. Akatanga zvakanaka, sezvakaita maPentekosti makore akapfuura. Asi chinhu ichoho chacho chavakabuda kubva machiri, sangano, vana amai wenyu nemadzibaba enyu, boka duku iri radzokerazve ndokuzvigadzirira rimwe rakangofanana neravakabuda mariri. Maona? Uri muboka remhando yakaita sei?

¹⁵² Zvino Bhaibheri rakati Zera rino reChechi yeRaodhikia... Judhasi, munoziva, aitakura chi...Akaona mukana wokuwana chimwe chinhu chikuru kubva pane zvaakanga ainazvo. Akange achibatanidzwa pamwe naJesu. Saka akafunga, naizvozvo, aitakura homwe, zvino aizogona kuita imwe mari akatengesa Jesu nemasirivheri makumi matatu.

¹⁵³ Ndizvo chaizvo zvakaitwawo neZera reChechi yeRaodhikia. Bhaibheri rakataura kudaro. "Wakapfuma, uye unoti, 'Ndave nezvakawanda, uye ndave nepfuma zhinji, zvino hapana chandinoshaiwa.' Asi hauzivi kuti unonzwisa tsitsi, wakasuwa, uri bofu, hauna kusimira; uye hauvvizivi." Ndiyo Pentekosti iyoyo, Zera reChechi rokupedzisira; kwete Luther, kwete Wesley. Asi, maPentekosti, ndiro Zera racho reChechi.

¹⁵⁴ Ndekupi kwaunobatanidza nako zvino? Unoti, "Ndiri muPentekosti." Unoona here zvarinobatanidza nazvo? ZvekuMuisa kunze. Zvirokwazvo, nokuti vakapfuma, vanoda...

¹⁵⁵ "O, munoti, 'kupfuma'?" Handiti, maimbomira kunze kuno muchibbadhara madhora matatu pasvondo yekamwe kadumba kadiki kaive pakona. Kwete sekuedza kwandiri kuita kuzvivisia; asi kana zvichitora izvozvo kuti uparidze maShoko akazara, tora izvozvo. Zvemazvirokwazvo. Zvino tave kubhadharira maseminari mamiriyoni makumi mashanu emadhora, pamwe nemapoka, nezvime zvinhu zvikuru kwazvo, uye pane dzimwe nzimbo tichiisa mabhiriyoni nemamiriyoni emadhora muzvivakwa zvikuru kwazvo, kugadzirira nzira, asi tichiparidza kuti Jesu ari kuuya nokukasika. Uye paine mamishinari andinoziva, vari mumunda wekuvhangera, vasina shangu mutsoka dzavo. Ameni. Vachipa mupiro, kune mamwe mamishinari; imwe hama yechikuru yaive isina chimwe chinhu mutsoka dzayo kunze kwemasanduru, ndizvo zvoga zvaava nazvo, akaatora ndokuapa kuti ave mupiro wemumwewo mumishinari. O, ini zvangu! Ndekupi kwaunobatanidza nako?

¹⁵⁶ MaPentekosti! Handisi kuzogara nguva yakareba ipapo, asi munoziva zvandiri kureva. O, ini zvangu! Ndokutengesa zvachose! Kutengesa chii? Kutengesa hudangwe hwedu nokuda kwemukurumbira. Taida kufanana nemaMethodisti. Maida kufanana nemaBaptisti nemaPresbyteriani. Ndiyo mhando yezvivakwa zvamunazvo. Munovaka seminari, semuchina unorindira mazai, mozvichechenyera vaparidzi vanokuregai muchiita chero zvamunoda, asi muchingoramba muchizvidana kuti "pentekosti" Inhemai iyoyo. Ndizvozvo! Rangarirai, rangarirai, ndicho chinhu chakaita kuti Judhasi ave nemukurumbira pakati pevamwe vashumiri vose, akaMutengesa nemasirivheri makumi matatu.

¹⁵⁷ Iye, chii chakamuita kuti adzokere? Aitopokana zvaitaurwa naKristu kuti aive Shoko. Aikwanisa kuona Murume uyu, achidya naYe, achiraura naYe kunze uko, nezvime wewo zvose; zvokuti Aive Shoko, akatadza kuzvitenda. Akatadza kuzvitenda kuti Aive Mwari; asi Aive. Hunhu hwaJudhasi ndihwo hwakamuita kuti aite izvozvo. Hunhu hwako hwaitawo here zvime chete? Rangarirai, Judas aive munamati chaiye.

¹⁵⁸ Ndakaenda kuAfrica, uye vakati, “Handiti, Elvis Presley, tine dzimbo dzake kwese kuno, anoimba.”

¹⁵⁹ Pat Boone nevamwe, havafanire kutenderwa kutaura Zita racho. Marara pamwe netsvina! Hunyengeri. “Uyo anodana paZita raKristu, ngaazvipatsanure kubva pachivi.” Maona? Asi hezvoka izvo. Munoona kwatasvika? Chivi chine hunyengeri, chinofamba chichipinda nemano, zvokuti hauzive kuti chiripo kusvikira chakuita kuti unge wakachimoneredza, munoonaa, zvino ipapo chinenge chakubata zvakasimba. Munoona here Judhasi kwaakazopedzisira abatanidzwa nako?

¹⁶⁰ Zvino, hama yangu, nokuda kwekuti chechi yaunopinda ihuru kudarika inoitevera iyo iri uko pakona, asi zvakadaro vari kuparidza Chokwadi, asi imi hamusi, munoonaa here kwazvinokusvitsai? Ndiwo mweya uya waJudhasi. Zvino munoziva here paakazobatanidzwa napo pakupedzisira? Akange akazvisungirira pamuti wemuonde.

¹⁶¹ Kana kuti uno梓iona here uchibatanidzwa nevadzidzi vechokwadi vaKristu? Zvino tave kuzovhara, chokwadi chakakwana zvino. Kutendeka kwaAri nekuShoko raKe, wakatarisana nekutsoropodzwa kwese! Unokwanisa here kuzvibatanidza naPetro neZuva rePentekosti?

¹⁶² Apo vose pavakazviona, vakati, “Tarirai boka iri revanhu vanopenga. Vose vakadhakwa.”

¹⁶³ Petro akasimuka akati, “Imi varume vemuJerusarema, nemi munogara muJudhea, izvi ngazvizivikanwe kwamuri, uye muteerere mashoko angu. Ava havana kudhakwa sezvamuri kufungidzira; ino inongori awa yetatu yezuva. Asi izvi ndizvo zviya, Rugwaro, rwakataurwa nemuporofita Joero.” Chaive chii? Shoko raMwari rakange riri kuratidzwa. Akati, “Tendeukai, mumwe nomumwe wenyu, mubhabhatidzwe muZita raJesu Kristu kuti muregererwe zvivi zvenyu, muchagamuchira chipikirwa cheMweya Mutsvene. Vimbiso iyi ndeyenyu, pamwe nevana venyu, neavo vari kure.” Vangani? “Kunyangwe avo vose vachadanwa naIshe Mwari wedu.” Haana kudana vose, munoziva. Asi avo, vakadanwa, vonoziva zvokuita. Zvakanaka. Zvakanaka.

¹⁶⁴ Kana, naPauro, kana pawaive naPauro apo uyo—uyo—uyo Dhemasi waifarira mukurumbira akamusiya, nokuda kwezvinhu zvenyika, mubatsiri wake; dai maigona kuona vanhu vose vachiseka Pauro, kunzwa Pauro achiti, “Unzai bhatye.” Murume aive neshumiro yakaita seiyo yaaiive nayo, uye aingove nebhatye rimwe chete.

¹⁶⁵ Handiti, Dhemasi akafunga, “Aifanirwa kunge aine chikoro cheBhaibheri chikuru, uye zvose izvi zvakarongwa kwese-kwese, mune rimwe boka guru. Handiti, aikwanisa kupodza varwere. Akange ari muporofita. Handiti, aifanirwa kunge aive aine

mhando dzose dzemari, mamiriyoni ake, asi heunoyi murume wacho aingova nebhatye rimwe chete.”

¹⁶⁶ Akati, “Kwave kutonhora zasi kuno. Muudzei kuti agouya nebhatye rangu kuno paanouya.”

¹⁶⁷ Zvino Dhemasi, achizviona izvi, akaenda nenyika, akasiya hama yake diki iyi inonzwisa urombo ichirwa iri yoga. Ungakwanise here kumira uchiona Jesu kunze uko, achitonhorwa, uchiMuona aine chaari kushaiwa, zvino iwe wofamba uchibva paAri?

¹⁶⁸ Munorangarira Mutsvene Martin? Vazhinji venyu imi hama munomurangarira, zvinyorwa zvaMutsvene Martin. Aigara kuTours, kuFrance, uye akange asiri Mukristu. Amai vake vaive Mukristu. Akange ari munin’ina wa—waIrenaeus. Zvino, apa, pakange pave nemazana akati kuti emakore mushure mokufa kwevaapostora, apo vaingunoedza kuchengetedza Shoko riri pamwe chete; zvino chechi yeKatorike yainge ichizvitora zvose nokuzviisa padzidziso dzekereke, zvino ivo vakange vasingakwanise kuzvigamuchira.

¹⁶⁹ Zvino Mutsvene Martin, achipfuura nepagedhi, apo... mamwe masikati aitonhora, zvino ipapo pakange parere mumwe mutana murombo aive mupemhi arerepo, ave kufa nekugwamba nechando. Hapana munhu aida kumupa bhatye. Mutsvene Martin akakumura bhatye rake, ndokuricheka nepakati ndokuputira mupemhi naro, ndokuenda zvake. Vakamuseka. “Musoja akapata zvakadniko uyo. Ari kutotyora mitemo yemauto edu. Ari kuita zvose izvi. Munhu akazviputira nechidimbu chebhatye, achiitira rombe riya.”

¹⁷⁰ Manheru iwayo arere mumubhedha wake, akamutswa neruzha. Zvino paakatarisa mudenga, heuno Jesu amirepo akaputirwa muchidimbu chiya chebhatye. Akaziva zvaakange aitira kumupemhi uya, akazviiitira kuna Kristu. Ndiko kwakava kutendeuka kwake.

¹⁷¹ Ungamire here uchiona Evhangeri ichitambudzika nhasi? Kana kuti unofambidzana neboka reavo vanofarira mukurumbira, sezvakaitwa naDhemasi? Uchamira naYe here, mukurarama kana mukufa? Sezvakaitwa naPetro, “Ndakagadzirira kuenda mutorongo, kana chero kupi zvako, neMi.” Hongu.

¹⁷² Kana paine nyaya inenge yauya muchechi, kuti madzimai angagera here vhudzi ravo, kana zvii zvavanofanira kuita, sezvakaitwa muVaKorinde, unotora divi ripi ipapo? Chinhano chauri panguva ino chaiita sei munguva iyoyo? Pafunge ipapo, hanzvadzi. Apo, Pauro akati, “Handitenderi mudzimai kuti aparidze kana kutora chisimba zvacho, asi ngaazviise pasi achiteerera.”

¹⁷³ Vakanyora vakamutaurira, vachiti, “Zvakanaka, chechi iri kuno, Mweya Mutsvene wakatitaurira.”

¹⁷⁴ Iye akati, “Chinyi? Shoko raMwari rakabva kwamuri here? Uye rakauya kwandiri ndoga here. Kana paine munhu anofunga kuti iye muporofita, ngaabvume kuti zvandinotaura mirairo yaMwari.” Akati, muna VaGaratia 1:8, “Kana ngirozi ikabva Kudenga ikataura chimwewo chinhu, ngaave akatukwa.”

¹⁷⁵ Waitora divi ripi panyaya iyi dai yaive iri muchechi mako? Huh? Wana chinhano chako chauri iye zvino. Ndiri kungoedza kubvunza kuti uri papi. O, hama, ngatikurumidzei. Pauro wakaderera kubva pachinzvimbo chikuru, munorangarira. Iwe unoti, “Asi, hama, ini—ini ndini mukuru wedunhu. Ndiri—ndiri...” Handina basa nokuti uri chii. Ndiri kukubvunza nzvimbo yauri iye zvino, hunhu hwako hwazvino. Chiiko, chii chahuri kukuitira? Unozobatanidzwa nedivi ripi?

¹⁷⁶ Pauro, rangarirai, akauya achibva pasi pedzidzo huru pasi paGamarieri. Gamarieri ndiye aive mudzidzisi wake mukuru, uye akange ari chimwe chinhu chikuru, angadai aizova munhu mukuru. Asi akazvidereda, kuti aone kuti Shoko raMwari ragona kuramba richikura, ndokupira hupenyu hwake nokuda kwaro.

¹⁷⁷ Mosesi akauya achibva pachigaro, chokuti ave Farao, kuti atakure Shoko raMwari nemurenje.

¹⁷⁸ Jesu akauya achibva Kudenga, kuti akupe Hupenyu. Iboka ripi raunobatanidzwa naro? O, kugadzira nzira yokuti Azviratidze, seChiedza chinopenya! Ko Anozviitirei izvozvo?

¹⁷⁹ Zvino, zvakakanaka, chimbogarai makadekara kweimwezve miniti, mamwezve maminitsi mashoma, kana muchida kunamatirwa. Ndinozviziva kuti ndakubatai kwenguva yakareba. Iye zvino kwasara maminitsi makumi maviri kuti awa yeshanu isvike. Paawa yeshanu tinenge taenda, Ishe vachitendera. Teerera. Iboka ripi raunobatanidzwa naro? Ndinoda kukubvunzai chimwe chinhu.

¹⁸⁰ Jesu akauya kuti azobatidza Chiedza. Chiedza chinopenya chinotora mufanakiso. Munoona, kuitira kuti Azokwanisa, kuitira kuti uzoonekwa, kana kuti Azoonekwa mauri; kana mufanakiso wako watorwa, unenje wakafanana newaKe; kana vanhu vachikutarisa, vanoona Shoko raMwari richirarama zvakare. Ndizvo zvaAkavinga, kuunza kamera, kubudikidza neRopa raKe rinochenesa, kuunza Shoko pedyo newe. Nokuda kwechikonzero ichi, Akati, Johane 14:12, “Mabasa aNDinoita nemu muchaaitawo.” “Uye kana pane uyo achaNditevera, ngaarambe chitendwa chake, ngaazvirambe pachake, ngaarambe nyika, ogotora muchinjikwa wake oNditevera.”

¹⁸¹ Kana kuti unowanikwa uchibatanidzwa mune mamwe maGwaro mune—mune mamwe maGwaro mune...avo vasina kugara? Unobatanidzwa nedivi ripi, zvakadaro? Chiedza chekamera chapenya kare. Une kwaunobatanidzwa nako. Wakagara pano masikati ano, mumwe nomumwe wedu, zvino

teerera, une kwaunobatanidza nako. Kamera yatopenya kare. Unoziva zvauri. Yatora mufanakiso wako pane imwe nzvimbo. Zvino wakamira papi? Ndiwe mutongi.

¹⁸² Mwari ngaatibatsire kuti tinyatsobatanidza, maAri, kuti tigoratidza Hupenu hwaKe mune hwedu. Teerera, mhizha yendarama yaitora zvino yorova ndarama, zvino airamba achiirova nokuirova, oipindura oirova, kusvikira ave kuzviona iye mairi. Zvadaro yainge yave ndarama yakachena; marara ose ainge aroverwa kunze. Dai Mweya Mutsvene, nhasi, uye mumusangano uno, nemumaawa ari kutevera, dai Akatora Shoko rino oRirovedzera, mumoyo yedu, kusvikira kupokana kwese, zvitendwa zvose, nezvinhu zvose zvinopesana naMwari, zvisisipo, kuitira kuti tizokwanisa, (teerera zvino) kuti isu, Chechi, tigone kuratidza rumuko rwaKe.

¹⁸³ Teerera, kukanyaya kadiki aka, zvadaro mobva magadzirira makadhi enyu emunamato.

¹⁸⁴ MuCarlsbad, New Mexico, vazhinji venyu makanzwa nezvezibako guru riri zasi ikoko, munoona, zasi pasi penyika. Munodzika pasi zvingada kuita semaera, ne-nechimwe chinhu. Chinodzika kunonyatsosvika zasi, maera pasi penyika. Mune rima gobvu, zvokuti kana ukaisa ruoko rwako seizvi, hapana chaunoona, mune rima guru. Zvino imwe mhuri duku yakaendako pane imwe nguva, zvino—zvino kakomana kadiki kaifamba nemutungamiriri, zvino mutungamiriri akaenda, kamwe-kamwe, ndokudzima getsi, zvino kasikana kadiki kakatanga kuridza mhere. Kakange kachitya.

¹⁸⁵ Ndizvo zvakada kuita Mwenga muduku zvino, anofanira kuti Azvimiririre. Kunoratidzika sekune rima. Kanzuru yemaChechi ichakukandirai muchinhu ichocho, kana kuti muchafanirwa kuzvimiririra mobuda. Unofanira kuonesa hunhu hwako. Chii chaAchaita munguva iyoyo?

¹⁸⁶ Chii chichaitika kana musisakwanise kutenga kana kutengesa, kana vave nemubatanidza wemachechi? Zvino munoti, “Kana zvaitika?” Kwete, kwete, chiedza chinopenya chatotora mufanakiso wako kare. Hunhu hwako hwatokuudza kare. Watovamo kare. Maona? Munoziva zvakataurwa neBhaibheri pamusoro pazvo. “Vachauya, vachiti, ‘Hongu, Ishe, tave kuuyamo iye zvino,’ asi vanenge vanonoka, musuwo unengetwapfigwa.” Maona?

Chii chichaitika kuMwenga muduku?

¹⁸⁷ Ndinozvifunga, mukanyaya aka kaduku. Munoziva, kasikana kadiki aka pakairidza mhere, kachisvetukasvetuka, kunge kabatwa nemamhepo, kunge kachafa nokutya, pakakaona zvakange zvaitika. Zvino murima iri rainge repakati peusiku, kakanyararidza pakarepo. Kakomana kaya ndokuti, kachidanidzira, nenzwi rako rose, kakati, “Usatyе, hanzvadzi duku, tine murume pano anogona kubatidza zviedza.”

¹⁸⁸ Usatyе, hanzvadzi duku, tine Murume pano Anogona kubatidza Chiedza, munoona, Anokwanisa kuitа kuti Shoko raMwari riite chaizvo zvaRinofanira kuitа. Murume wacho ndiJesu Kristu. Ita kuti hunhu hwako huratidzwe nehwaKe.

Ngatinamatei.

¹⁸⁹ Usatyе, Hanzvadzi duku, tine Murume pano anokwanisa kubatidza Zviedza. Kwese kwauri, nekwaungadai waona nzvimbo yako masikati ano, izvozvo ndichazvisiira kwauri. Hunhu hwako hwazvino hunokuitа kuti uzvione pamwe panhu. Zvokuti, tingadai tataura pamusoro pazvo kwemaawa nemaawa. Hunhu hwako hwazvino hwakadini? Zvino ngatinamatei, uye newe namatawo, zvakare. Zvino rangarirai, pamwe handizokuonai zvakare, pamwe hamuzondionazve, kusvikira tazosangana mhiri ikoko. Zvino muchinhango chako chauri iye zvino; handina basa nokuti uri ani. Muchinhango chako chauri iye zvino, ini ndiri kuzviisa imomowo, zvakare, hunhu hwangu huri kuratidzei masikati ano? Ndinobatanidzwa nedivi ripi?

¹⁹⁰ Baba voKudenga, nzverai moyo yedu, muminiti ino. Zvinongotora kanguvana kaduku, shanduko. Regai pfungwa yaKristu iuye matiri. Bhaibheri rakati, “Regai mufungo uyo wakanga uri muna Kristu uve mamuri.” Zvinoshandura hunhu hwedu. Zvino mumharidzo yakatambanuka iyi, kana ndingaidana kudaro, masikati ano, inongori nzira yangu yakazvininipisa yokuratidza vanhu zvandinotenda, izvo zvaMunoda kuti tizive. Mwari, itai kuti mufungo waive muna Kristu unge uri mandiri. Zvino kana paine pandatadza kubvumira Shoko renyu ne “ameni,” uye nokuritevera, zvadaro, Ishe, ndishandurei, ndiumbei patsva zvakare. Ndiri muranda weNyу; ndinoda kuva, Ishe. Ndibatsirei iMi. Batsirai munhu wose ari muno, Ishe.

¹⁹¹ Zvino ndinovaisa kwaMuri. Kana paine avo pano, Ishe, vakange vari mupfungwa dzeNyу nyika isati yavambwa, zvirokzwazvo izvi zviri kuva peputsa. Ndinovimba kuti mumwe nomuwe wavo aivepo. Zvino Ipapo, Baba, tichaziva kana Mauya apo Bhuku guru razarurwa, ndipo patichazonzwisisa zvino. Zvino kana paine vamwe vakatsauka, vabva paNzira, ndinonamata, Mwari, kuti nhasi Mugovadzosazve, kuvadzosazve kuNzira iya yehutsvene neHupenyu. Tiri mumawoko eNyу, Ishe, itaiwo nesu zvaMunoona kuti zvakakodzera. Ndinopa ungano iyi kwaMuri, semikcombe yeshumiro, nemuZita rajesu Kristu. Ameni.

¹⁹² Zvino hatina nguva yokudanira vanhu kuaritari, asi ndinoda kuti daniro yekuaritari inge iri mumoyo mako. Uri kubatanidzwa nedivi ripi, muchinhango chako chauri iye zvino?

¹⁹³ Zvino mushuremekuparidza zvakadai, ndave kukumbira Mweya Mutsvene, kana Achitendera, kuti andibatsire kwechinguvana zvino, kusvikira ndawana chizoro

chekunamatira vanorwara. Zvinhu izvi zvandataura, ngazvive zvechokwadi, Mwari. Izvovo, ndezvechokwadi.

¹⁹⁴ Iye zvino dai munhu wose akaramba akagara muchigaro chake mogova noruremekedzo rukuru kwekanguvana, ndapota, saka, munoona, uye uMubate. Uri chaipo pane chimwe chinhu *pano*, zvino chimwe chinhu chikafamba, chinokuvhiringidza. Chinhu chakawoma zvikuru. Zvinoratidzika sokunge, kana mudzimai mumwe chete uya kumusoro uko pa—paSaika... Zvakamboitwa pane imwe nguva. Jesu haana kuramba achizvidzokorora-dzokorora.

¹⁹⁵ Asi vanhu vemuAmerica vanofanirwa kuti vavaraidzwe, munoziva, ndihwo—ndihwo hunhu hwedu. Tinongo... Tinoona zviri nani kugara kumba tichiona terevhizheni, mune zvinonakidza kudarika zviri muchechi. Maona? Ndizvo, munoona, ndizvo zvivaraidzo. Ndizvo zyatnodza. Zvakapinda muchechi. Mwari haakuvaraide. Anongokuunzira Shoko raKe. Maona?

¹⁹⁶ Akataura izvozvo kumudzimai uya, zvino vakatozotenda shoko rechipfeve chiya pamusoro pazvo. Asi guta rose rakange rakagadzirira, munoona, vakange vari mupfungwa dzaMwari nyika isati yavambwa.

¹⁹⁷ Zvino dai Mwari vakazvidzokorora zvakare masikati ano, ndiyo munamoto wangu wakazvininipisa. Ndichikusiyai, dai Akakusiyai muine izvi. Namatai.

¹⁹⁸ Vangani uko... Handisi kumboona munhu uko wandinoziva. Vose vari muungano iyi, handisi... pamwe, zvichida makadhi omunamato akazara kwose-kwose. Asi imi mugere uko, muri kurwara kana kuti mune zvishuvo, kana chimwewo chinhu, uye uchiziva kuti hapana chandinoziva pamusoro pako, simudzai mawoko enyu, chero kwese-kwese kwamuri. Maona? Angori munhu wese.

¹⁹⁹ Dai Ishe vatibatsira iye zvino mune izvi. Zvino ngapashaike munhu anofamba. Musadaro, ndapota, pasawanikwe anofamba. Ichi chi—chinhu chikuru.

²⁰⁰ Zvino, hazvina basa kuti nditaure, ndiedze kuzvitsanangura, hapana nzira yekuzviita. Zvino, Bhaibheri rakati, ranova ndiro Shoko, kuti, “Iye ndiye Muprisita Mukuru uyo anobatwa nemanzwiro ehutera hwedu.” Ndizvozvo here?

²⁰¹ Zvino dzimwe nguva hauvizivi kuti une kutenda; unako, asi hauvizivi. Kana ukaedza kuzvisairira mune zvime zvinhu, unoziipotsa, unoenda nepamusoro pazvo. Zvinhu zvakazvininipisa uye zviri muhunyoro, munoona. “Zvino iYe ndiye Muprisita Mukuru uyo anogona kubatwa nehutera hwedu.” Zvadaro, kana waMubata, Anoita sezvaAkamboita munguva dzekumashure. Ndizvozvo here? [Ungano inoti, “Ameni.”—Mupepeti] Zvino tarisai.

²⁰² Muri kuona here mudzimai uyu agere pasi pano? Handizivi munhu mudiki uyu. Akangogara zvake ipapo, asi neimwe nzira ari mukubatana naMwari. Nokuti, muchiyero chandiri kutarisa machiri iye zvino, ndiri kuona mudzimai wacho, uye iye ari kuzviziva kuti pane zviri kuitika. Ari kunamatira vana vake vasiri pano. Ndizvozvo. Handimuzive. Handisati ndamboona mudzimai uyu, asi akabatikana zvakadzama pamusoro pevamwe vana.

²⁰³ Unotenda here kuti ndiri muranda waKe? Unoziitenda here, kuti Jesu Kristu ari pano, Mweya Mutsvene Uyo... Unoona, kana isu tikakwanisa kuzvibvisa pachedu kubva munzira! Unoona? Zvino kukupodza, handikwanise. Waona? Kana, kukupa shuvo yako, handikwanise. Unoona, izvozvi zvinofanira kuuya kubudikidza naMwari, ‘kunze kwekunge Andiudza kuti ndikutaurire chimwe chinhu. Zvino, asi kana Akandizarurira dambudziko riri pamwana iyeye, kana kuti chingava chii zvacho, iwe—iwe uchanditenda here kuti ndiri muranda waKe? Uchadaro.

²⁰⁴ Zvino ungano yose, kana muchida, mudzimai wacho agere ipo pano. Ungasimuke here? Zvino, Bhaibheri riri pano pamberi pangu, handizivi mudzimai uyu. Handisati ndambomuona. Zvino, pano, tatzoka zvakare paSaika zvino.

²⁰⁵ Ndapota, munhu wose ngaave neruremekedzo. Maona? Kana uchinge waona chimwe chinhu... Munoona, mweya, unofamba, unobva wandivhiringidza.

²⁰⁶ Hongu, mudzimai uyu ane vana vatatu vaari kunamatira, uye vose vari vatatu vari pasi pemumvuri. Zvichireva kuti, havasi Makristu. Havana kuponeswa. Ndizvozvo. Mumwe wavo musikana, uye ane bundu pagumbo rake, nechekumusoro. Ndizvozvo, handizvo here? Mumwe, ane dambudziko nemaziso ake, mumwe wevakomana. Mumwe wavo ane dambudziko remoyo, uye chidhakwa. Ichokwadi. Ndicho chishuvo chako here? Ndizvo here zvauri kuda kubva kuna Mwari? [Hanzvadzi inoti, “Ameni.”—Mupepeti] Zvino ndinokumbira, nemuZita raJesu, kuti Agokupa zvauri kushuvira. Ungada—ngada here chimwe chinhu, pane chimwe here?

²⁰⁷ Pane mudzimai ari pano, pandangotaura kudaro, zvamuvhiringidza. Agere nechekumashure kuno. Ari kurwara nearthritis. Zita rake anonzi Mukunda Thomason; haasi kuzoziva... Hongu. Ndiri mutsva kwauri. Handina kumbokuona muhupenyu hwangu, asi ndiwe wacho. Unotenda here kuti ini ndiri muranda waKe, mudzimai? Unotenda here kuti zvandataura ichokwadi, uye zvinobva kuna Mwari? Uri kurwara nearthritis.

²⁰⁸ Uyo murume wako agere apo pedyo newe. Ari kurwarawo, zvekare. Ane zvakanganisika mutsinga dzake—dzake, zvinonzi “kuomarara kwetsinga.” Ndizvozvo. Ane dambudziko mutsoka

dzake, zvekare. Ndizvozvo. Uye, zvekare, uri kuedza kuregedza kunwa doro. Uri kuda kuzviita. Uri munhu akasungwa nedoro, asi uri kuedza kurega kunwa doro. Unotenda here kuti ndiri muranda waKe? Unondigamuchira here semuranda waMwari? Zvino ndinokudzikinura kubva kwariri, nemuZita rajesu Kristu. Unotenda here, changamire? Pira moyo wako kuna Kristu, uone vashumiri maererano nezverubhabhatidzo, zvino kwauri nyaya yacho yatopera. Chingotenda.

²⁰⁹ Unotenda here? "Kana ukangotenda!" Une dambudziko neparutivi rwako, hauna here, mudikani? Kana ukatenda nemoyo wako wose, Mwari anopapodza.

²¹⁰ Uyo agere apo, anotevera, une chirwere cheshuga. Unozvitenda here kuti Mwari anokupodzera chirwere cheshuga, okuita kuti unaye?

²¹¹ Dambudziko remoyo; unotenda here kuti Mwari achapodza dambudziko remoyo? Zvakanaaka, changamire.

²¹² Uyewozve, dambudziko remoyo, anotevera. Unotenda here kuti Mwari achapodza dambudziko remoyo, uyo anotevera? Ndizvozvo chaizvo. Unotenda here kuti Achazviita? Uh-huh.

²¹³ Mudzimai muhombe uyu agere pano. Maninitsi mashoma apfuura, pandanga ndichiparidza, tasvika pokuti uzivikanwe, anyatsotarisa akananga kuno kwandiri. Ndipo pawapodzwu ipapo. Wanga uine dambudziko reitsvo. Kana zviri izvo, simuka umire netsoka dzako. Maona? Saka, wanga... Anga asiri here mamwe manzwiro asinganzwisisike auya pauri pandataura nezvekuti uzivikanwe? Uye wava nemamwe manzwiro asinganzwisisike, ndokunyatsotarisa wakananga kwandiri. Ndipo pazvaitika. Chienda hako kumba zvino, wapora. Ingotenda muna Mwari, ndizvo zvoga.

Munoona, Shoko riri kuratidzwa.

²¹⁴ Makatyamadzwa, changamire. Munotenda here kuti Mwari anogona kukupodzai iro dambudziko remoyo, obva akupodzai? Murume ane vhudzi rachena, murume anoratidzika zvakanaaka agere apo, unotenda here kuti Mwari achapodza dambudziko remoyo? Unotenda. Mudzimai wako agere apo zvino. Unotenda here kuti ndinokwanisa kukuudza dambudziko riri pamudzimai wako, Mwari vachindibatsira? Unotenda here kuti Mwari vanogona kundiudza dambudziko riri paari? Chirwere chekushaya ropa, chinhando cheropa. Ndizvozvo. Munotenda here kuti Mwari anokupodzai muri vaviri iye zvino? Munotenda? Munozvigamuchira?

²¹⁵ Zvino mudzimai agere pedyo naye. Munoona here zvichidzika neuko? Mudzimai uyo ane dambudziko nemusana wake. Unotenda here kuti Mwari anokupodza dambudziko remusana, mudzimai, wobva wanaya?

²¹⁶ Murume ari pedyo newe ane arthritis. Changamire, munotenda here kuti Mwari anokupodzai arthritis yenu? Munozvigamuchira? Munodaro? Imi makasimudza ruwoko rwenyu. Žvakanaka.

²¹⁷ Ko mudzimai muduku uyo agere apo akanyatsonditarisa, ari pedyo newe? Hongu, ari kunamatira amai vake. Amai vari muchipatara, vane utachiona. Ndizvozvo.

²¹⁸ Wasimudza ruwoko rwako, iwe uri pedyo nemudzimai, hanzvadzi. Havasi amai vawanga uchinamatira. Mudzimai *uyu* ari kunamatira amai vake vari muchipatara. Zvino, asi, iwe, baba vako, vane kenza, uye uri kuwanamatira. Ndizvozvo. Maona?

²¹⁹ Mudzimai anotevera ane dambudziko remapapu. Unotenda here kuti Mwari achapodza dambudziko remapapu?

²²⁰ Zvino, munoona, zvasvika pokuti zvave kuita sokunge zvave kundipofomadza, potse, ndiri kuona vanhu vanenge makumi maviri kana makumi matatu necheuko.

²²¹ Chii, nderipi divi rauri kuzvibatanidza naro zvino? Uri kuonekwa here uchiti, “Ndiri mutendi. Ndinotenda muna Mwari. Kana kuti, ndinotenda kuti *uyu ndiYe*”? Unozbibat-... Kana kuti, unozi-unozbibatanidza neShoko, woti, “Mwari vakaZvivimbisa. Zvakamboitwa naJesu kare, Azviitazve nhasi. Uye ndinotenda kuti tiri kurarama mumazuva eSodhoma, apo nyika yaye kuda kuparadzwa. Zvino Jesu akavimbisa kuti Aizozviratidza pachaKe zvakare sezvaAkaita paSodhoma, sezvaAiita ikoko, uye sezvaAri kuitawo iye zvino.” Munozvitenda here? [Ungano inoti, “Ameni.”—Mupepeti]

²²² Zvino, imi mose mune makadhi okunamatirwa, vari mumutsara mumwe *uyu* pano, muchikamu chino ichi, mirai kumadziro, *sezvi*. Nyatsobvai panzvimbio dzenyu, momira kumadziro, mose muri kurutivi *urwu*.

²²³ Zvino itai kuti avo vari muchikamu *ichi* vane makadhi okunamatirwa, chikamu chepakati, ngavamire apa panofamba nevanhu, mirai makaita *sezvvi*. Regai, musaenda uko zvino, munoona, nyatsomirai munzira munofamba nevanhu. Munoona, nyatsoendai...

²²⁴ Zvino mirai. Ndiri kuda iri, iri boka riri kurutivi *uku*, kuti vamire *sezvvi*, tarisai, tendeukirai kuno uku. Ndiri kuda kuti boka *iri* ripoterere *neuko*; rodzokera nepanofambwa nevanhu, rodzokera nenzira *iyo*, rouya nekuno rozvibatanidza neche apa.

²²⁵ Zvino avo vose vari mune chimwe chikamu ichi, vane makadhi okunamatirwa, mirai muri panofamba nevanhu *apa*, *sezvvi*. Ndizvozvo. Uyai *nekuno*, mogodzokera makananga nechekumashure, mobatana muri kumashure kweava.

²²⁶ Zvino muchaona zvichida kukundika zvachose kana kuti muchaona Kubwinya kwaMwari. Zvino uri kubatanidzwa

nedivi ripi nhasi, nemutendi, kana kuti unoda zvekuvaraidzwa, kana kuti uchatenda muna Mwari? Vamwe vavo munguva dzemuBhaibheri, zvokuti kunyangwe mumvuri waMutsvene Petro, muredzi akange asingakwanise kusaina zita rake, mumvuri wemurume uyu, wakaratidza chiratidzo chimwe chete chamuri kuona pano nhasi, wakapfuura nepamusoro pevanhu vakapodzwa. Vangani vanoziva kuti ichokwadi? [Ungano inoti, “Ameni.”—Mupepeti]

²²⁷ Zvino, hama, hamuna kusiiwa kunze. Apo ava vari pano, sezvi, munooda, zvinoita kuti avo vauye. Žvino chingomirai pano. [Hama Branham vakanendeuka ndokutura nevashumiri. Chibenga patepi—Mupepeti]

²²⁸ Kana paine mufudzi pano anotenda mukunamatirwa kwevanorwara, handidi kukusiyai imi vanhu muchifunga, (ini ndimire kumusoro kuno semuvhangeri ne—nechipo chekunzvera zviri mumoyo, nezvimbwe zvakadaro, uye munguva yechiporofita iyo yatiri kurarama mairi), kukuitai kuti mufunge kuti mufudzi wenyu haana here kungoita sezvakaita munhu wose. Muranda waKristu, ane mvumo imwe chete seyandiinayo kanawo mumwe munhu wese yaainayo. Mvumo yedu ndiJesu Kristu. Zvino ndichavaita kuti vauye zasi kuno vanamate pamwe nenii apo patinenge tiri kunamata.

²²⁹ Zvino, mufudzi wose ari muno anotenda mukupodza kwaMwari uye achida kumira nesu kuno, ungauye here uite, umire neni pano pandinenge ndichinamatira vanorwara, angava upi wenyu imi vafudzi angade hake kuuya. Boka iri revafudzi, vafudzi vakatsigira musangano nemari, ndambovabvunza uko; ndikati, “Hazvina mutsauko kuti mufudzi upi, kuti ndewe chechi ipi.” Kana uri muPresbyterian, Lutheran, kana muprisita weKatorike, uya pano umire nesu kana uchitenda Mharidzo yaKristu, kana uchitenda mukupodza kwaMwari. Uya pano ugoisa mawoko pamusoro pavo. Žvirokwazvo haunga—haungapatsanure, semuranda waKristu, haungazvipatsanure kubva kune vako... kubva kuvanhu, zvisinei kuti vanogara mumba yenyu—yenyu—yenyu yehufudzi kana kuti kwete, kana ndeveboka renyu revanamati. Haungazvipatsanure kubva kwavari. Uchatenda. Zvino tinokuchingamidzai kuti muuye pano mubatsirane neni, tichiisa mawoko pamusoro pevanhu ava vari kurwara, kuitira kuti vazopodzwa.

²³⁰ Zvakanaka, ndinofunga kuti mitsara yave kuda kuchizotanga. Ndinoda maasha zvino kuti vatore nzvimbo dzavo, kuitira kuti vagobatsirana nevanhu.

²³¹ Zvino, kuitira kuti tisazo... munhu wose achanzwisisa, zvino nyatsoteereresai. Muri kunzwa here? Itai, “Ameni” [Ungano inoti, “Ameni.”—Mupepeti] Iitei zvakare. [“Ameni.”] Onai, ndinoda kukupai...

²³² Zvino, handikwanise kutora munhu woga-woga, ndomira ipapo ndichinamata naye, uye ndova nekunzvera moyo. Žvinozongonditorera kuda vamwe vashanu kana vatanhatu, vanotozonditora kubva mumba muno. Munozviziva izvozvo.

²³³ Jesu, mumwe mudzimai akaMubata, Akatendeuka akamutaurira zvaive dambudzikorake, nezvose pamusoro paro. Zvino Akati, “*Simba* rabuda maNdiri,” *simba*; munhu mumwe chete. Zvino uyu aive Mwari, achiratidzwa munyama.

²³⁴ Ichi chinongori chipo chiduku, munoona, kuti Aratidzwe, chipo chakavimbisa muzuva rino. Cherechedza, shamwari.

²³⁵ Petro, pane imwe nguva, akadanwa panzvimbo apo paive nemudzimai akange afa, ainzi Dhokasi. Mose munozvirangarira, itai, “Ameni.” [Ungano inoti, “Ameni.”—Mupepeti] Zvino akaendako akapfugama, akanamata. Mushure...Teerera zvino, imi vanhu muri mumutsara wekunamatirwa. Mushure mokunge anamata, akaenda akanoisa mawoko pamusoro paDhokasi, akadzoka kuhupenyu. Ndizvozvo here? [“Ameni.”]

²³⁶ Zvino, hama, ndinoda kuti imi neungano iyi mubatane pamwe chete nenii. Tarisai kuno, pano pakamira, kuda vanhu mazana mashanu, kana kudarika, vamire pano, masikati ano, kuti vanamatirwe. Zvino ngatinamatei munamato wekutenda, mumwe nomumwe wedu. Zvino kana vanhu vave kupfuura nepo, pamunoisa mawoko enyu pamusoro pavo, aisei pamusoro ipapo, muine kutenda, kuti zvichaitika. Ini ndichange ndichitenda. Ndiri, ini, nemoyo wangu wose, ndichange ndichitenda.

²³⁷ Baba vedu vari Kudenga, zvino kufora kukuru kuchange kotanga vachipfuura nepano. Mazana evanhу achapfuura, uye nepasi pamawoko evashumiri ava. Itai kuti vazive, Ishe, kuti vari kungopfuura nepasi peMuchinjikwa. Vari kupfuura nepasi pe...apo Ropa rakadeurwa kuti riite kuti izvi, zvatiri kuita, zvive zvemazvirokwazvo. Nokuti, Uyo akaremberra paMuchinjikwa, akati, “Zviratidzo izvi zvichatevera avo vanotenda. Kana vakaisa mawoko avo pamusoro pevanorwara, vachazopora.” Zvino regai vanhu vazvigamuchire.

²³⁸ Makavimbisa kuti Muchaponesa ani naani “anoda.” Hamukwanise kuponesa nyika, nokuti ani naani “anoda” haakutendei. Makapinda muguta, hamuna kukwanisa kuita mabasa makuru akawanda, nokuda kwekusatenda.

²³⁹ Uyezve Hamusi kuzokwanisa kubatsira munhu upi zvake anopfuura nomumutsara uyu, kunze kwekunge achitoda, zvichibva pakadzika pemoyo wake, kuzvibatanidza nevatendi pamwe neShoko raMwari, kuti nyaya yacho yatopera. Dai kuzvibatanidza kukuru uku kwauya zvino, kuti apo mumwe nomumwe wevanhu ava paanopfuura nepasi pemawoko evashumiri ava, dai Mweya Mutsvene aisa mumoyo mavo kuti vaita sekuraira kwaMwari, uye dai vakabuda muno vachifara,

vapodzwa, nokuda kweHumambo hwaMwari. TinoKuteererai, Ishe, muchiitiko ichi, nemuZita raJesu Kristu. Ameni.

²⁴⁰ Ndiri kuda mumwe munhu, Roy, ungauyewo here pano, ugoimba *Tenda Chete*. Ndiri kuda kuti imi vamwe mose, mukotamise misoro yenyu, uye munhu wose ange achinamata.

²⁴¹ Zvino, ava ndavanaamai, vanababa, nevana, vana vadiki, vari kurwara, vanhu vari kufa nekenza. Dai wanga uri iwe, waitoda mumwe munhu akaperera. Zvino tiri kuda kuperera ikoko.

²⁴² Zvino, tose ngatikotamisei misoro yedu zvino. Ndave kuburukira zasi kunova pakati pehama dzangu, kuti tinamatire vanorwara. [Hama Branham pamwe nevashumiri vanoisa mawoko pamusoro pevanorwara vachinamatira avo vari mumutsara wekunamatirwa. Chibenga patepi—Mupepeti]

²⁴³ Munoziva, yanga iri nguva inofadza zvikuru mukuwadzana uku. Uye ndacherechedza chimwe chinhu masikati ano; handizivi kuti mazvionawo here kana kuti kwete. Zvikamu makumi mapfumbamwe kubva muzana zvevanhu vapodzwa, vange vatopodzwa kare vasati vasvika pandange ndiri. Vange vachichema nokudanidzira, vachirumbidza Mwari vasati vasvika ipapo.

Zvino tave kuzonamatira mahengechepfu aya.

²⁴⁴ Ishe Jesu, tinoziva kuti muBhaibheri, vakati, “Vaitora kubva pamutumbi waMutsvene Pauro.” Kwete nokuda kwekuti akange ari Pauro, asi nokuda kwekuti akange ari muranda weNy, Ishe. Akange ari mumiririri weNy, zvino tinoziva kuti vanotaura kuti, “Zvirwere nehosha zvakatama.” Vanhu vazhinji havana kukwanisa kuuya kumusangano, zvino vatumira hengechepfu kuti ivamiririre. Mwari, itai kuti Mutumwa waShe; ndiYe Uya akatarisa paGungwa Dzvuku zvino—zvino rikaty, zvino Israeri ikapfuura ichienda kwaiva nevimbiso yayo. Zviitei, Ishe, kuti izvi zvigovawo zvimwe chete. Dai mahengechepfu aya, paanoiswa pane vanorwara, apodze vanorwara. Nokuda kweHumambo hwaMwari, nemuZita raJesu, ndazvikumbira. Ameni.

²⁴⁵ Zvino ndinoda kutaura shoko rimwe chete kana maviri, kwamuri, nokuti ndinokukoshesai zvikuru. Ndinokoshesa vashumiri ava vakanaka, vose tichidzika nomutsara; vaisa nguva yavo yokuti vabatsire, pamwe nezvose. Uye zvimwe kuda mungadai mafunga, hama, kuti panga paine kunzvera moyo, nezvimwe zvose, zasi kuno, ndanga ndisingazivi zvamanga muchinamatira, asi Ishe Jesu vandirangularidza pamusoro pazvo. Ndinoziva izvo . . .

²⁴⁶ Usanetseke pamusoro paamai vako. Vachaita zvakanaka.

²⁴⁷ Newe iwe ugere *apo*, une dzihwa nedambudziko remadzimai. Ndanga ndichizviziva, nguva yose. Uchaita zvakanaka. Usanetseke.

²⁴⁸ Munoonaa, Ange ari kumashure kwedu, zvimwe chete sezvaAnga ari pano pamberi, uye Anoziva zvose pamusoro pazvo. Maona? Zvino mapfuura nemumutsara wekunamatirwa, uye Mwari mumwe chete anondizodza shumiro isati yatanga, pano Ari kuita zvimwe chete. Maona? Zvi... Uye Ndiye mumwe chete zuro, nhasi, nokusingaperi.

²⁴⁹ MunoMutenda here? [Ungano inoti, “Ameni.”—Mupepeti] O, haAshamise here? [“Ameni.”] Ichi hachisi chimwe chinhu here? Hongu.

²⁵⁰ Vangani vanoziva chimbo ichi, “*Ngachiropafadzwe chisungiso chinosunganidza moyo yedu murudo rweChikristu*”? Mungatipewo here kiyi yacho, hanzvadzi? Ini—ini ndiri kuda kuchiimba. Handisi kuziva kuti sei, asi ngatingochiimbei. Nyatsomirai mukuremekedza pamberi paKe zvino mugoiimba, imbai pamwe chete zvino.

Ngachiropafadzwe chisungiso chinosunganidza
Moyo yedu murudo rweChikristu;
Kuyanana kwefungwa dzine hukama
Zvakafanana nezviri Kumusoro.

Ichochi ndechakare-kare.

Kana tichinge taparadzana, (Ngatisimudzei
mawoko edu.)
Zvinotipa marwadzo omukati;
Asi ticharamba takabatana mumoyo,
Uye totarisira kuzosanganazve.

²⁵¹ Hamuzvidi here izvi? [Ungano inoti, “Ameni.”—Mupepeti] Kusvikira, kusvika tionane, zvino, tose pamwe chete, “Kusvika tionanezve,” tose pamwe chete zvino.

Kusvika tionane! kusvika tionane!
Kusvika tionane patsoka dzaJesu;
Kusvika tionane! kusvika tionane!
Mwari ave nemi kusvika tionanezve!

²⁵² Ngatikotamisei misoro yedu zvino tinamate. Ndichakumbira mufudzi ari pano, hama, kuti akwire kumusoro kuno; uye kana muine chimwe chamungade kutaura, hama, kana chero hacho chamungade kutaura, kana kuita kuti vanhu vachidzokera kumba. Kusvikira pandichazokuonaizve, Mwari ave nemi. Mundinamatirewo. NdinoMuda. Ameni.



KUCHERECHEDZWA SHO64-0216
(Identification)

Mharidzo iyi neHama William Marrion Branham, yakaparidzwa kwokutanga neChirungu Svondo masikati, 16 Kukadzi, 1964, paElliott Auditorium muTulare, California, U.S.A., yakazotorwa kubva patepi yakarhekedwana ndokuzodhindhwa muChirungu pasina chakamurwa. Kuturikirwa uku muchiShona kwakazodhindhwa nokugoverwa neve Voice of God Recordings.

SHONA

©2020 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedzwa. Bhuku iri rinokwanisa kudhindhwapi papirinda yekumba kuti ushandise uri iwe pachako kana kugovera kunze, usingatengesi, semudziyo wekuparatzira Evhangeri yaJesu Kristu. Bhuku iri harigoni kutengeswa, kudhindhwapi akawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org